

Av. d.

7.

IOANNIS STVRMII AD

VVERTEROS FRATRES,
Nobilitas literata.

LIBER VNVS.



ARGENTORATI PER VVEN-
delinum Rihelium, ANNO
M. D. XLIX.

BIBLIOTHECA
REGIA
MONACENSIS.



Bayerische
Staatsbibliothek
München

IOANNIS STVRMII

AD VVERTEROS FRATRES,

Nobilitas literata.



Iamdudum petis à me
Philippe: iam nunc
etiã Antonius te-
cum frater tuus po-
stulat: ut uiam uobis
aliquã, rationemq̃
studiorum demonstrem: quam ego
usitatam hominibus literatis esse exi-
stimem: & quæ uestre ætati, uestreq̃
familiæ & nobilitatis ordini sit ac-
commodata. Qua in re libenter ue-
stræ morem uoluntati gererem: si u-
trumq̃ exiguo libello complecti pos-
sem. Altera enim pars longam & ua-
riam explicationem requirit: osten-
dere quam ego credam doctorum
hominum, præsertim Græcorum &
Latinorum consuetudinem fuisse:
sed in altera conabor uobis, in hoc
laudabili uestro & incitato studio.

A ñ

NOBILITAS

rum cursu adesse: et ex altera tantum ad hanc seuocabo: quantum res ipsa ratio quæ uidebitur desiderare: de altera, cum uacabit, & uestra studia postulabunt: plenius à me aliàs differtur. In hoc uerò tempore de te fratre quæ tuo est statuendum: in quibus & ætatis minimum est interuallum: et magna ingenij similitudo. Eadem enim uoluntas in utroque est: æqualis cognitio: gemina contentio: ad quam cum uestra sponte et literarum amore: tum Georgij Fabricij doctoris uestri industria, & exemplo olim excitati estis: cui Vuolfgangus frater successit: qui ita uobiscum duos annos uixit: ut triplicem fructum, eumque honestissimum inde perceperit. nam & fraterna se consuetudine suauissime oblectauit: & uobis exemplo præfuit: & literarum suarum studia recoluit. & hæc tria ita consequutus est, quemadmodum ipsi uidetis: ut non tam sua, quam uestra causa à Beichlingo

go

go, & à suis abfuisse appareat : eademq; de causa iam Luteciæ uersari non solum ut exemplo uobis sit; sed etiam uestra causa eò præiuisse uideatur. Sed ut reuertar unde nonnihil digressus sum: certum uobis temporis spacium circumscribam : certamq; doctrinam et exercitationem: in quibus mea se continebit consultiatio: in eaq; ætatem uestram, & ingenij uestri uires, & facultatem considerabo. Præmonstrabo enim quem cursum per hoc proximum triennium tenere debeatis: & quæ suscipere: ut, posteaquam ter Calendæ Ianuariæ reuersæ erunt: ubicunq; futuri sitis: oratio uestra & prudens futura sit, & latina, & elegans, & copiosa, quem ego alterum finem uestrarum cogitationum esse puto: uitam literatam: de quo sine meum consilium expetitis, alter uirtutis est: qui aliud tempus ad tractandum flagitat. Et certè si ad familiæ uestre no-

NOBILITAS

bilitatem, & ad opes facultatesq; ue-
 stras uirtutem & doctrinam litera-
 rum adijcietis; id quod facere iam
 dudum instituistis, & omnem nobi-
 litatē facere decet: quid est, quod ad
 felicitatem, & ad uitam beatam in
 his, quę in uestra potestate sunt, uo-
 bis est defuturum: quamdiu ea, quę
 habetis data uobis diuinitus; fato a-
 liquo, & uī, atq; fraude non auferant-
 tur: Sed tamen in his iplis cōseruan-
 dis, et in amissione, ad consolandum
 plurimum & uirtus religioq; & ma-
 gnarum rerum cognitio atq; doctri-
 na confert; ut de felicitatis præci-
 puo gradu nō ita depellamini: quin
 semper habeatis, ubi possitis consi-
 stere. Ac uirtutem quidem, in qua
 religioni primæ partes deferendæ
 sunt, tametsi propositum non est ex-
 plicare: neque morum disciplinam
 tradere: tamen ut ne eam necessari-
 am non esse homini literato, uel alijs
 homines existiment: uel me id exis-
 timare

Virais.

stimare alij cogitent : idcirco eius in hoc principio meminimus : præsertim cum etiam in hac parte, & in hoc instituto, tribus nobis potissimum uirtutibus sit opus : sine quibus neque nostrum consilium, neque uestra uoluntas, multum opis inueniet.

Primum enim diligentia est ne^{1. Diligentia.} cessaria : sine qua etiam magna ingenia non longè progrediuntur.

deinde temperantia in uoluptatib^{2. Temperantia.}

bus : quæ cultos est diligentia, & ingenij ac naturæ conseruatricis. tum

constantia in utraq; ut ea perficiantur^{3. Constantia.}, quæcunque erunt inchoata. Quæ

uirtutes tum demum iudicabuntur ueræ esse : cum neque diligentia uirium defatigationem : neque temperantia ualetudinem : neque constantia obstinationem nimiam pariat. Non quod uirtutes uitia sint : sed quod uitia sæpenumero uirtutum simulatione fallant. Lætam, & sanam, & sequentem uirtutem esse

NOBILITAS

uolumus: & hominis studiosi uolumus mores esse suaues: ualetudine prosperam: & animum flexibilem. ita tamen ut libido absit: mollities uideatur: locum non habeat pertinacia. Primæ ergo duæ uirtutes, quarum memini: & quæ ab hac præceptione abesse non possunt: ad corporis uires debent esse accommodatæ. constantia uerò nō solum finem studiorum uitæq; respicit: sed etiam in singulis actionibus, quæ prudenter institutæ erunt, adhibenda est. Iam uerò, quoniam harum uirtutum in uobis signa egregia apparent: quæ his annis sæpe intellexi: admittam uos, & adero quoad potero, in hoc perspecto mihi uestro conatu, & egregio studio. Ac principio quidem considerandum mihi est: quantum iam in hac literarum doctrina consecuti sitis: non solum ut ne omittam aut præteream aliquid: sed etiam ut ne post rem comparatam & consecutam

Vol. 1. p. 13. 4. 2.
 etiam in aliquibus adferam consili-
 um. Tenetis igitur, ut ex fratre ue-
 stro Vuolfango intellexi; & ut ego
 ex scriptis uestris cognoui: latine lin-
 guæ præceptionem omnem; quæ
 quidem ad scriptores intelligendos
 est necessaria. in eaq; lingua uerbo-
 rum & formularum (quæ rerum &
 sententiarum simulacra sunt) tantam
 copiam, & delectum eiusmodi estis
 consecuti: ut ab his instructi sitis ad
 scriptiones & ad styli exercitationem:
 modò differendi & dicendi ratio o-
 mnino non desit: quarum rationum
 utraq; ars styli semper fuit modera-
 trix. Et sanè si ea adhuc tenetis, ut cō-
 fido: quæ à me primo in Rhetoricis
 & Dialecticis audiui: quæq; à Se-
 ueno post recognouistis: nihil est
 quod præterea requiram, præter an-
 notationem in legendo: & in scriben-
 do industriam. Iam in Græcis eò pro-
 gressi estis: ut in linguæ præceptis nul-
 lus labor restet; in uerbis & singulis
 & col=

NOBILITAS

& collocatis. In eo studio perficiēdo
 non tam molestus ad intelligendum
 est labor: quàm iucunda & suavis
 futura est ad comparandum obser-
 uatio. Quanquam non ignoro, non
 in his nihil deesse uobis, quod igno-
 retis: tamen quod scitis, id mihi fa-
 tis est ad id, quod instituo: & quod
 à me postulatis. Etenim Homeris
 ille Vlysses, quanquam πολύτρο-
 πος fuit: & multorum hominum ἄ-
 ρεα καὶ νόον ἔγνω, ut scribit Home-
 rus: tamen in singulis ipsum gen-
 tibus & ciuitatibus credibile est non
 omnes uoluisse ciues cognoscere:
 nec in singulis familijs quid agere-
 tur intelligere: uerum ea solum dis-
 scere, quæ ad id sibi conducerent,
 quod animo cogitatum & proposi-
 tum habuit. Imò uerò etiam nusi-
 quam magis neque errauit neque
 peccauit: quàm cum Calypsus amo-
 re nimis diu detineretur: & suam in-
 dustriam

dustriam & laudes suas abscondi
 in obscuritate antri pateretur. Vtigi-
 tur hunc uirum, quem Homerus
 sapientissimum facit, uerisimile est
 per uarias regiones profectum esse:
 ita etiam in his, de quibus dictum
 est artibus uersandum est: & diu-
 tius non est in singulis præceptio-
 nibus immorandum; quàm uerbo-
 rum & orationis cognitio deside-
 rat. Et ut ille asperam suam Ithacam
 in omnibus & laboribus & æru-
 mnis cogitabât: ad eamq; quoties
 potuit properabat: ita nobis quoq;
 ad studiorum nostrorum, uitæq; fi-
 nem pergendum est: qui in arduo
 loco plerumq; est à natura colloca-
 tus; de quo deinceps dicendum est:
 & prouidendum, qua uia eò perue-
 niamus. Nec mihi dubium
 est: quin in hac bonorum facul-
 tate & copia, ^{hanc uiam cogitamus} ~~proposita~~ uobis uita
 honesta sit, & ^{ad hanc uiam deinde nos peruenimus} ~~literata~~: quarum
 altera

NOBILITAS

altera ad disciplinam morum pertinet: altera huius est instituti: & magna ad alteram adiumenta adfert.

uita beata.

& profecto in hac uita, ea mihi uita beata uidetur: quæ ad generis antiquitatem morum sanctitatem adiungit: & bonorum amplitudinem literarum ornat elegantia. Itaque præceptionem meam duas in partes diuidam. in ^{doctrinam} cognitionem rerum: quæ a^znimi est excultrix. & in linguæ exercitationem, & sermonis prudentiam & concinnitatem: quæ cum auribus audientium repræsentatur: mentis ^{inde 17. a.} ^{4: 23.} suauissimum cōcentum indicat: qui

Cognitio rerum.

magis intelligi à nobis potest: quam cœlestis machinæ, nunquam audita, tamen tradita olim à Pythagoriscis ἀκουσία. Vt autem à rerum ^{doctrina} doctrina exordiamur: non uideo quid magis uos deceat, & nobilitatem exorner: quàm ciuilis scientia: quam Græci politicen nominant. quam si consequamini, ut oportet; magna allaturi estis

Ciuis scientia.

ri estis & patriæ, & genti, familiæq;
 uestræ ornamenta. Quid enim ma-
 ius est? quid præclarius? quàm nobi-
 lem hominem literatum esse, & poli-
 ticum? quæ duo & doctrinam, & uir-
 tutem, religionemq; omnem com-
 plectuntur. Itaq; exponemus qua uia
 huius, siue scientiæ & doctrinæ, siue
 uirtutis & facultatis cognitionem,
 usumq; talem comparetis; ut non so-
 lum alijs utiliter, uerum etiam uobis
 iucundè uiuere possitis: ut apud ami-
 cos grati, domi suaues, & publice ho-
 norati uideamini fuisse. Ciuilis ue-
rò scientiæ cognitio: rectè ab ijs li-
 bris instituitur: quos Aristoteles de *Aristoteles libri de rep.*
repub. scripsit. sed quia in moribus
 ciuium probatis fundamenta sunt
 posita magnarum ciuitatum: rectè
 doctrinæ ciuili scientia de moribus *Ethica.*
 adiungetur: quam etiam Aristoteles
 multis libris tradidit. Omnium autē
 maximè historia adiuuat: in quibus *Historia.*
 & ortus rerum pub. varij uidentur:
 & con-

NOBILITAS

& conseruationes earum : et conuer-
 siones atque interitus : & homini-
 bus in uita dubitantibus consilia
 multa, & exemplauaria suppeditat.
 Vos quidem quid deinceps poteris-
 tis rectius suscipere : quam hoc stu-
 dium : post ista uestra & loquendi,
 & differendi, & dicendi præcepta.
Verum in his ipsis consequendis ha-
 benda latinæ linguæ ratio est : ne con-
 taminetur uarietate linguarum, &
 diuersitate uerborum : quæ singu-
 læ artes, & linguæ, & in unoquo-
 que genere singuli scriptores pro-
 pria habent : qui etiam uerborum eo-
 rundem collocatione, & toto com-
 positionis genere, in consimili argu-
 mento, plurimum sæpenumero in-
 ter se differunt. Historicus enim He-
 rodotus est : & in eadem gente eo-
 dem sermone, nimirum græco : e-
 tiam Historicus est Thucydides : &
 utriusq; pulchra est & ornata oratio.
 At quantum discrimen est suauita-
 te,

Herodotus.

Thucydides.

te, grauitate, uerborum collocatio-
 ne, figuris sententiarū, & quali trans-
 formatione quadam incisorum,
 membrorum, circumductionum, to-
 ta denique compositione? Eiusdem
 populi res gestas scripserunt, Cæsar,
 Liuius, Tacitus. Sed quantum in
 his interest, omnibus ijs ornamen-
 tis, quæ iam commemorauī? Plus
 uero in his omnibus, & in Cicero-
 nis scriptis. Et hi ipsi Ciceronis li-
 bri, magnam in se uarietatem con-
 tinent. Scribe epistolam eo gene-
 re orationis, quo principium Mi-
 lonianæ causæ est concinnatum;
 tametsi apud imperitos aliquot
 laudatores inuenies: quibus ta-
 men uerum iudicium est, improba-
 bunt: & statuent, decori te præcepta
 transilisse. Quocirca uidendum est,
 ut rerum cognitione, cum mate-
 riam suppeditat ad res tractan-
 das alienas, noceat uerborum
 & orationis peregrinitate. Non
 quod

NOBILITAS

Similiter do.

quod hilatini non sint : aut illi non
 sint Græci: sed quia ut equites & pe-
 dites, & ut in senatu, & in foro, & do-
 mi, Romani & Græci non iisdem ut-
 rebantur uestibus: ita in diuersis re-
 bus, quæ oratione tractandæ erant:
 non idem dicendi genus, neque ean-
 dem adhibebant sermonis formam.
 Laudo quod Romam uiderit ali-
 quis: quod Athenis Cratippum au-
 dieris comprobo: patior etiam et lau-
 do cum ceteris quod Atticus cogno-
 minaris : at ut pallio utaris Romæ
 Græculo non laudo. nam leuitatis
 indicium, & stultitiæ testimonium
 esse iudico. Sic omnes hi, cum alijs
 omnibus, ad discendum boni: sed in
 suo quisque genere: & propriū quisque
 aliquid habuit quod sibi placuit: &
 potuit quisque id decenter & suo iure:
 lam uero ad cognitionem rerum ma-
 ximarum, Dei, religionis, pietatis,
 charitatis, & ceterarum uirtutum &
 præclarorum morum, & humanæ
 salutis:

Arro nodatio.

*Theologia vide
 1. 14. a. 12.*

salutis: quid illustrius, quid magis
 necessarium, quàm ea quæ Moyſes
 scripsit, quæ prophetæ, quæ aposto-
 li: attamen hæc ipsa exornari magis
 possunt: si debitus cultus, & puri-
 tas sermonis linguæq; latinæ adhi-
 beatur: & hic ipse sermo Romanus,
 & latina eloquentia, nō uitiatur He-
 braïsmis: qui in sua lingua suavis est:
 in aliena aures offendit: & luci re-
 rum sæpè tenebras offundit. Cognito
 scendus igitur Thucidides, & Hero-
 dotus, & Xenophon, & Polybius,
 & Halicarnassæus, & Herodianus
 apud Græcos: & legendus apud La-
 tinos Cæsar, & Liuius, & Tacitus: et
 omnes hi diligenter intelligendî: ut
 iudiciū confirmetur, memoria au-
 geatur, amplificetur rerum doctri-
 na. In primis uero quæ Iudæis pri-
 mum diuinitus tradita sunt: deinde
 eadem illustrius explicata post Chri-
 sti mortem: sed ita, ut quemadmodū
 mens ipsa pura et incorrupta horum

NOBILITAS

lectione & meditatione euadere &
permanere debet: ita etiam linguam
ab his non impediri, sed adiuuari ue
lim. Nec enim impium est: nostro
praesertim seculo: mentis & uocis
eandem esse puritate, concinnitate,
elegantiam: & nescio quanto magis
Christi doctrina orationis amplitu
do deceat: quam templorum immanes
constructions: non quod in his non
delecter: sed quod hoc ornatu dele
cter magis: et magis decere existime.

*Comparatio ornatus
templorum cum ornatu
Christi doctrinae.*

*Expositio per singula
dijces.*

Ut enim imago Dei, quae ab optimo
pictore picta est, magis oblectat,
quam quae ab imperito: et statua lo
uis à Polydeto dedolata magis affi
ciebat: quam quae à ceteris opificibus: ita
etiam religiones & ceremoniae, cum diser
tum explicatorem nanciscuntur: do
centur intelligentius: explicantur il
lustrius: & amorem metumque Dei,
diuinitus excitatum: neque remitti si
nunt: neque elanguescere patiuntur. Ad
ciuilem igitur scientiam: quae maxi

me

mē nobilitatem decet : hī scriptores
magna adferent adiumenta: quorū
libri de Republica & moribus ex-
stant: & historici, tum Græci, tum La-
tini : imò etiam cæterarum lingua-
rum expositores: cum quid superest
temporis: aut cum tempora id flagia-
rant, ante omnes uero nostræ religio-
nis autores, et doctores, et historici.
Et quoniam eam uocamus ciuilē do-
ctrinam: quæ à Græcis πολιτικὴ est
appellata: & partē sui habet nō par-
uam τὴν νομικὴν : etiam atq; etiam
cognoscere oportet Platonis illa præ *Plato.*
clara monumenta de legibus: & de
īisdē Ciceronis libros duos: qui, cū *Cicero.*
rectē intellecti erunt: faciliē demon-
strabunt quid statuendum sit : &
quomodo respondendū, quoties de
cæteris quæstio oritur: quæ à Iure con-
sultis concinnatæ sunt, atque diges-
tæ. Sed ut ne multitudo perturbe-
mini : neque impediamini lingua-
rum uarietate, & multiplici tracta-

NOBILITAS

uione: priusquam ad orationis exer-
 citationem ueniam: uiam uobis indi-
 cabo: quā ego puto ingrediendam
 esse: ut eò, quò propositum est, perue-
 niatis. Omnem igitur hanc ratio-
 nem in tria diuidam tempora: unum
audiendi: alterum legendi: tertium
commentandi. Quibus tribus si mo-
 dus adhibeatur, ratioq; teneatur quā
 præscribam: & euadetis eò quò con-
 tenditis: & temporis satis quotidie
 supererit post singulas actiones ad
 animi relaxionē, & uirium refectionem,
 & confirmationem ualeitudi-
 nis, cuius magnam curam geri uolo:
 propterea quod animus in bona cor-
 poris habitudine uiget magis, & ac-
 cutius intelligit, & longius prospice-
 rit: & diligentius conseruat ea, quæ
 discendo, & intelligendo, & commen-
 tando peragrauit. Reuertar ergo ad
 id quod primo loco propositum est,
 ad auscultandi tempus: in quo duo
sunt personarum genera. nam & do-
ctoris

Tempus audiendi.

z ctoribus utimur: ut M. Cicerō filius
Cratippum Athenis audiuit: & uti-
mur recitatoribus: & Cicerō in epi-
stola ad Atticum missa dolet de So-
sithei anagnostæ festiui, ut uocat,
pueri morte. Scriptores ad intelligen- *Lectores.*
dum difficiles, & arduarum rerum
autores, ab alijs cognoscendi sunt:
quos hodie & lectores, & professo-
res linguarum, & scholarum magi-
stros nominant. Vt in Philosophis
sunt Platonis Gorgias: & Protago-
ras: & sermones apud hunc alijs mul-
ti. Aristotelis primi libri de repub. et
de moribus. in historicis Thucydia-
des: in poëtis Lucanus: nam hic etiā
intelligentem ciuem et togatum pru-
dentem facit. in oratoribus Demo-
sthenes et Cicerō: non quod obscurę
sententię sint: sed quod ars abscon-
dita latet: et lumen sententiarum, com-
positionis amplitudine, sæpe, ut sol
oculorum, ita ista aciem mentis per-
stringat. Legere ipsi uobis potestis.

N O B I L I T A S

Recitatores. Cæſaris cōmentarios: & Xenophon
tis Cyrum: & Herodiani Cæſares: &
Polybiū. *officiū* Recitatoris uſus eſt in ijs et
quæ ab alijs audiuiſimus recognoſcen
dis: & quæ ipſi priuatim legimus. &
ſæpe antequam legamus prodeſt re
citarī aliquid ab anagnoſte: et ſi quid
obſcurum eſt, id paucis ab eodem ex
planari: & poſt à nobis & lectione
Transiō. & commentatione repeti. Haſtenus
quæ exponi à magiſtris, & quæ reci
tari à domeſticis, et à nobis legi opor
teat: nunc quæ ratio adhibenda ſit,
& quo utendum delectu, & quis ſit
ſeruandus ubiq; modus diſſeramus.

Qui leſtores deligēdy Deligēdus igitur iſ eſt potiſſimum:
qui eandem quam docet artem pro
fitetur: eamq; diu exercuit. Perni
tioſa res in literarum gymnaſijs eſt: *Diſcretio*
doctrinam ſimul cum diſciplina in
ſtitui: & eſſe qui docere prius inci
pian, quàm diſcere: id quod meīs
temporibus nimis fuit uſitatū. Quan
quam non nego multos eſſe præcla
ro in.

ro ingenio: qui melius discendo ex-
 pediant aliquid: quàm alij aliqui,
 qui idem longè antea & didicerunt
 & docuerunt. *origina-
lis
volens* sed nos de eo tempore
 loquimur, cum duorum data nobis
 facultas est: ut eruditio rem magis
 experientē semper p̄feramus. quod
*Aug. diff.
facile
est ab
exemplis* si contrà eueniat: sequemur magno-
 rum ducum & clarorum imperato-
 rum exēpla: qui fortē tyronem igna-
 uo ueterano solent anteposere. Sed *2. est opus de la. Aug. in q.
his rebus hinc inde p̄-*
 in facultate duorum aut plurium: iu-
 diciū non solū de doctrina facien-
 dum est: uerum etiam de docendī fra-
 ctione & expediendi dexteritate. in
 quo tamē uidendū quæ uires sint di-
 scientiū: quæ facultas: quæ doctrina.
*Expositio
p. exempla* Lutecia cū essem, idē con-
 sequebant̄ *Petrus Danesius.
Iacobus Tufanus.* Petrus Danesius et Iacobus Tufanus,
 diuersa tamen ratione, ut à multis au-
 dirent. Expediebat uterq̄ plurimos
 una hora uersus: Tufanus appositē
 ad Grammaticorū normas: Danesius
 ita Demosthenē interpretabatur: quā

NOBILITAS

tum in ipso fuit, & quoad sermo ille
 patitur: ut Romanus uideretur, et Ci-
 ceronis uerbis & sententiarum for-
 mis figuratus. Itaq; alter à doctiori-
 bus libenter audiebatur; alterum au-
 diebant qui ab erudito magistro in-
 de à fundamentis proximè eam lin-
 guam uolebant comparare. Magni
 iudicij documentum est, magnæq;
 doctrinæ nota: et significatio diligen-
 tis & candidæ industriæ: non diutius
 herere in docendo quàm necessariū
 sit: nihilq; eorum quæ sunt exponen-
 da prætermittere: idq; in rebus & uer-
 bis, & arte, et comparatione aliorum
 scriptorum. Atq; hæc de doctore: *Tran-
sio.*
 nunc de ordine & delectu qui uobis
 habendus est: et ratione et uia, quam
 in legendo et auscultando sequi uos
 oportet: in quo mihi finis uestro-
 rum est studiorum repetendus: qui
 est uita honesta adiuncta doctrinæ
 magnæ scientia: & stylus elimatus:
 & sermo purus, ornataq; cum uerbo-
 rum

*Ordo an ratio rati-
 onis. An autem dicitur.*

*2. de 3.
 p. 3. 4.
 20.*

rum tum rerum luminibus oratio.

vid. 5. 4. 2. ~~Ac~~quia & uos primas artes sermo-
nis, & duarum linguarum præce-
ptiones & uarietatem non parua ex
parte tenetis cui rerum uerborumq;
connexa est cognitio: propterea
quod uerba rerum sunt simulachra:
utrumq; studium simul ex hoc tem-
pore uobis suscipiendum est: eodēq;
o m. pa. 10. mea est referenda oratio. Quamob-
rem diem partiemur totum in duo
tempora: quorum alterum antemeridi-
dianum est: alterū post meridianas
horas complectitur. & quod ante
meridiem temporis est: id Ciceroni
& stylo tribuimus: quod uero inse-
quitur: id ceteris scriptoribus, ex qui-
bus artium & literarum doctrina est
Solutio o m. pa. 10. comparanda, non quod hi non præ-
clarā & egregiam orationis laudem
apud eruditos & doctos homines
adepti sint: aut quod Cicero non plu-
rimas res et maximas tradat, ex sapiē-
tie studio repetitas: sed tamen si utriq;
ab al-

NOBILITAS

Cicero.

ab alteris adiuuantur: tamen quia **Ci**
ceronē imprimis, & semper ubi exem
 plo locus est imitandū censeo: facien
 dum mihi hoc discrimen est: ut intel
 ligat ad quos digredi aliquādo licitū ^{vide 14. b. 4. r.}
 sit: & à quo non sit licitum discedere.
 Nā quoniā me uultis in hac ratione
 quasi praeceptore uti: statuere debea
 tis quēdā esse quē liceant: ad quē per
 mitto declinationē à uobis fieri: quē
 dā uero quē nō liceāt: à quibus si defle
 ctetis: immemores uos esse putabo
 accepti huius à me beneficii: quod ui
 tiū in moribus nefariū est. nam tam ^{om. pa.}
 etsi temperantiā principio, et diligen
 tiam, atq; constantiā à uobis tantum
 modo postularim: tamen ceteras uir ^{respon.}
 tutes nō à uobis negligi uolo: et quā
 tum ad me attinet, & fidē à uobis fla
 gito, & memoriā meorū consiliorū:
 quam ego gratitudinis certā notam
 esse existimo. & nisi credetis me ue
 ra consulere: parū habitura est apud
 uos mea oratio autoritatis. Cum
 igitur

igitur ciuitas hominum sit inter se so-
 cietas atq; communicatio: neq; ulla
 latius pateat: nec per tot gentes atq;
 nationes latenter cum incredibili ui-
 atq; potestate sit sparsa: quàm Chri-
 stiana societas, quę ecclesia est appel- *Ecclesia*
 lata: ad quam Iesus sempiternus ueri
 Dei filius, cui regię maiestatis cogno-
 mentū datū est, & Christus appellat,
 omne genus humanū ex oībus parti-
 bus euocauit orbis. cū hæc igit uera
 sit societas: necesse est etiā ciuile sciē-
 tiā Christi potissimū Deiq; doctrina
 niti: et hac maximē Christiani nomi-
 nis hominē cōfidere. q̄ppe quę cōle-
 sti societati preparēt: et cōlestibus le-
 gibus, Deiq; curationi sit cōsentiēs.
 Hanc philosophi inuestigarūt: nec
 potuerūt inuenire. hęc si Minos Cre-
 tēsis, aut Lacedemonius Lycurgus,
 aut Atheniēsis Solon tenuissent: bea-
 tiores suos reliq̄ssent ciues, q̄ reliquis-
 se uidemus, hęc Platonico Socrati,
 hęc Platoni, hęc Aristoteli defuit ad
 huius

NOBILITAS

huius scientiæ perfectionem. ^{Occupa} ^{no.} Quan-
 quam non eò hæc dico, quòd non be-
 ne & præclare isti scripserint: id est in
 pluribus, imò in multo maxima pars
 te: sed quia diuinitatem ignorarunt: ^{Respon-}
 qua potuerunt homines ad cœlestem ^{sio.}
 concordiam conuocare: & ad eum
 finem suos ciues perducere, quem in
 suis libris proposuerunt: felicitatem,
 & uitam se ipsa contentā. Et sanè si
 hæc uera sunt: ut omnino sunt: po-
 nendum est esse quedam quæ per om- ^{inde 13.}
 nem uitam sunt legenda: quedam ^{b. 4. 5.}
 uero quæ semel legisse sat est: modò
 memoria non deficiat: quedam quæ
 certis temporibus sunt recognoscen-
 da. qui ordo uobis perpetuo est reti-
 nendus: & ab eo uos deduci, aut de-
 pelli neque sinetis, neque patiementi: si
 constantiam, quam promittitis, uel-
 tis præstare. Religio igitur eiusque co- ^{Com. h. 1. 2.}
 gitatio perpetua retinenda est. Nam ^{de religio-}
 clarissimi sæpè homines, & pruden- ^{Paraphr.}
 tissimi optimique uiri, post res magna ^{Confirm.}
 cum ^{no. ab ex.}
^{pl. 1. 2. 3.}

cū gloria gestas, & summos aliquan-
do honores administratæ reip, ab ea
quidem curatione uel morbis, uel æ-
tate coacti discesserunt: à uirtute ta-
men, & à religione, cæremonijsq; pa-
trijs non depellebantur. Et Cicero
nem credo, et alios oratores uiros bo-
nos, non semper in foro constituisse
propter ætatem causas agere: tamen
propositum habuisse, uitam hone-
stam non deferere: uerum semper
meditari aliquid, & quoad liceret,
scribere, quod ciuibus prodesset, &
ad religionis, & sapientiæ studium
latinis literis totum explicandū perti-
neret. Quocirca si religio per omnē
ætate colenda est, & in extrema præ-
cipue: & si stylus de sapientis manu
non est deponendus: debent ij scri-
ptores perpetuò cognosci, quorum
orationem imitari, & à quibus ad uir-
tutem, & ad religionem, & ad sapien-
tiam uolumus erudiri. Quod si ista
negari non possunt: in sacris scripto-
ribus

*A/pejaly
exemplo
appositis.*

*Comple-
xis per
de finem
angustia
tunc.*

NOBILITAS

ribus sapientem, & in Ciceronis monumentis eloquentem habitare, et uir-
tam ponere decet. Religio enim san-
ctam, & eloquentia iucundā, & ambe
coniunctæ salutarē efficiunt hominū
inter se societate. Religionis studio
etiā morū disciplinam, & ciuilem o-
mnem doctrinā, & historias adiun-
go: in eoq; sapiētis uitā finiendā esse
existimo. Atq; huiusmodi quidem ^{Tran-}
sunt, quæ perpetuo legēda et cōmen- ^{silio.}
tanda censeo: iā quæ semel cognouit
se satis sit, ea sunt hac ratione diūdi-
eāda. Quicquid enim tale est, id eius
modi est, ut uel dignū nō sit, quod le-
gatur, propter ineptias; uel ppter bre-
uitatē, aut etiā facilitatem nō opus sit
repetere. ex his duobus, quod ineptū
est, uitare oportet: & breue illud ge-
nus, et ad intelligendū atq; memoriā
facile, ad utilitates propositi in stu-
diorū uarietate finis est adaptandū;
& tū demū faciendū est, cū à grauiori
bus laboribus fatigata mens ad se re-
laxandum secedit. in eaq; refectione

*Quia tunc semel sint
legenda.*

tempestiuū est anagnosce uti, cuius
 uox eruditula sit, et clara, et distincta:
 ut facile intelligi possit: ut pronūcia-
 tione fastidiū ne magis, q̄ uolupta-
 tem adferat: quæ maxime cōparan-
 da est, in hoc ocio et relaxatione. Re-
 liquū est tertiū genus, qd fuit eorum
 scriptorū, q̄ aliquādo sunt recognos-
 scendi: id quod duobus fit potissimū
 tēporibus: quorū alterū honestā ne-
 cessitatē habet: alterius uiro studioso
 reddenda ratio est. Nam fit sepe nu-
 mero, ut historica et scriptio et lectio,
 ad tempus aliqd intermittatur: dum
 de religione aliqd scribimus: aut de
 reip. aliqua parte opus aliquod con-
 ficimus: aut poēma aliquod medita-
 mur: quo confecto, si historiam uel
 temporis uel belli alicuius perficere
 placeat: redeundum est ad eum rerū
 explicatorem: cuius rationem nos in
 rebus pronūciādis sequi uelimus:
 et cuius nos q̄ simillimi esse cupim⁹.
 Et si post eā confectiōē, sermonē ali-
 quē philosophicū cōtexere uisum sit

*ut uia recognosca-
 da sint.*

NOBILITAS

redeundum esset ad eum autorem, a
 quo digressus es: & cuius constitue-
 ris persequi uestigia. Sed cum tres <sup>Reliquis
ad spem
ad id ipsum
ad id</sup>
 sint a nobis anni ppositi: intra quos
 mea uersabitur cōsultatio: accedam
 ad eos iam: & primum numero com-
 plectar, quæ nobis per hoc tempus
 sint comparanda. Cognoscendus igitur
 nobis est Cicero totus in lingua
 latina, & Cæsaris commentarij, &
Salustius, & Vergilius. In quo stu-
 dio cum quid superest horarum, in-
 terponendum ex Plauto, & Teren-
 tio, & Varrone, et Lucretio ceterisq;
 aliquid, quod ad intelligendum faci-
 le, & ad cognoscendum sit iucundū.
 In Græcis authoribus Xenophon-
 tis Cyrus, & Socratici commentarij,
 et Herodotus, et Thucydides, & De-
 mosthenes, et Aristotelis libri de mo-
 ribus, & de repub. & Homerus, atq;
Hesiodus. Et cum ab his intermissio
 fieri potest, seuocandus aliquando
Theocritus est, & Pindarus, & Euri-
 pides,

pides, & Sophocles: & si quis est alius
 aut philosophorum, aut historicorum,
 aut poetarum, qui placeat. In
 studijs uero sciētię atq; cognitionis,
 semper exploratrices dialecticę re-
 gulę sunt applicandę: & Geome-
 trię, & Cosmographię, & Astrolo-
 gię doctores & magistri, quoad stu-
 diorum finis requirit, etiam sunt au-
 diendi. Ex his omnibus materia ad *stylus*
 stylum est comportanda: qui quoti-
 die acuendus est: cuius natura est, ut
 ocio & intermissione obtundatur:
 exercitatione uero, & perpetua qua-
 si exaratione, ut uomis splendidior,
 ita hic illustrior & acutior fiat. Vide-
 tis onus, quod uestris constitui im-
 ponere humeris: quod si ad tertij an-
 ni Calendas Ianuarias deportabitis:
 consequemur, quod uolumus: ut o-
 ratio uestra & prudens sit, & disertā:
 idemq; sit & mentis & lingę sonus:
 quem ego quauis harmonia suauior-
 tem puto.

NOBILITAS

tasse nō fatis distinctē, neq; plenē no<sup>Com-
pilo.</sup>
 minauī, qui legendi sint atq; cognos-
 scendi scriptores. Itaq; paucis etiam<sup>Propo-
sicio.</sup>
 disseram de hac ratione, antequam
 de obseruando, et imitando, et stylo,
 meam uobis declarem sententiam:
 ut etiam, quibus singuli temporibus<sup>Arxelo
gria.</sup>
 legendi sint, cognoscatis: & intelliga-
 tis, qua uia ingrediendum sit: ut o-
 mnes eos, quos, pposui, intra id tem-
 pus, quod cōstitui, legēdo intellige-
 re possitis. Primum igit̃ uetus illud,
 et nobile p̃ceptū tenendū est, quod
 minime facimus: ut temporis quā
 maximam rationem habeamus, &
 eius nobis ratio constet: nosq; met
 ipsi nobis semper constemus in le-
 ctionis, et auscultationis, diligētēq;
 perpetuitate. Quod si tenebitur, tria
 maximopere fugienda sunt uitia:
<sup>Phile 4.
24. 11</sup> primum intemperatīa in edendo, &
 bibendo: tum in familiaritatibus in-
 tempestiua cōgressio, & delectus de
 ludiosorum: postremo deambulatio.
 Quae

Quæ tantum mali adfert: ut etiam
 industrios, & solertes, ad ignauiam
 praua quasi oberrandi consuetu-
 dine soleat deducere. Præcipiunt e-
 tiam id, qui de agricultura scripse-
 runt, qui ambulatorem uillicum es-
 se uetant: cum tamen oculus ut do-
 mini, ita & diuitis uillici equum pa-
 scat: & obambulatio circum operas
 plurimum excitet laborâtes. tamen
 quia imprudentes fallit ista sæpe
 consuetudo: diligenter etiam atq; e-
 tiam cauendū est: ne suauitas deam-
 bulationum tempus negligat: & stu-
 dij sollicitudinem fallat: & naturas
 bonas emolliat: recte q; proposita
 fallaci cōsuetudine ex animis studio
 forū hominū cogitationibusq; ex-
 cludat. Neq; enim me nomē peripa-
 teticorū de mea depellit sentētia: neq;
 mea memouet cōsuetudo. sum enim
 natura ambulator. sed illi in dispu-
 tando ambulatores erāt: nos de legē-
 do p̄cipimus, & plus ego cōsecutus

NOBILITAS

essem: plura etiam effecissem: si plus
 ad sessionem essem assuefactus. *Spacio* ^{Compla}
 cia ergo & ambulationes in legendo
 uitupero: (alia enim sanitatis & rela-
 xationis sunt tempora) at in meditan- ^{Conref}
 do, aut cōmentando, aut colloquen- ^{fo.}
 do concedo, si sint moderatæ: ut fa-
 cto modico interuallo, & interposi-
 to temporis breui spacio reditus ad
 lectionem fiat. Quanquā in biblio-
 theca, & inter libros inquirendo uer-
 sari, & ad pulpita astare non impro-
 bo. *status* enim erectus cōducit non ^{Acci lo}
 nullis hominum corporibus ob uas- ^{gia ab}
 letudinem. & in conferendis autorio- ^{299.}
 bus, & comparandis multis locis,
 transeūdum ad diuersa loca est: *sed* ^{Apaz}
 tamen ut in cibo, & potu, & in con-
 gressibus familiarium modum res-
 quirimus: sic etiam hic faciendum ar-
 bitramur. ut consideretur quid sit
 necessariū, & quid mediocre: quo-
 rum alterum cēsetur utilitatis, alterū
 uoluptatis regula, quęcūq; uero in
 legendo

legendo utiliter interueniunt nō reij-

*Trans. 16.
22.*

cimus. His igitur tribus uitijs expli-
catis: quid deinceps constituendum
sit uideamus. & fortasse proximum
est: ut cōsideretur, possint ne omnes
quos nominaui autores, etiā his tri-
bus uitatis, per hoc triennium a uo-
bis absolui: & quibus id fieri possit

*Distribuitur lectio horum au-
thorum in certa tpa.*

temporibus, distinguenda enim tem-
pora sunt: ut etiam actiones omnes
non solum opere: sed etiam tempo-
ris spatio homines metiuntur. Ergo

Religio.

à religione principium sumatur: cui
primam & postremam diei horam
tribuimus. neq; dubiū est, quin mul-
ta triennio possint his duabus horis
& intelligi, & memoriter teneri: quæ
ad religionis doctrinam, et ad uitam
Christianam conferant. præsertim
cum multa sibi stylus usurpabit ex sa-
cris scriptoribus: ut ex latinis bonis
meliora faciat: & Græca uel ita inter-
pretetur, ut latinus sermo purus per-
maneat; uel ita tractet, ut expoliat. ut

Antemeridianum tpe.

NOBILITAS

aliquid præclari appareat, unde autē
 id sumptum sit non animaduertatur : aut si appareat aliquid, existat
 quasi speciosius, magisq̃ eruditum.
 hæc inquam tria tempora et legendi,
 & scribendi magnam, & uariam me-
 diocribus ingenijs religionis & do-
 ctrinae materiam poterūt suppedita-
 re: si diligentiam perpetuo cōparent
 subsidio. Reliquas horas ego ante
 meridiem Ciceronis libris & stylo
 tribuo: quos nullum dubium est, tri-
 ennio omnes legi, & intelligi posse.
 quod si cōcedatur: etiam uerum est
 horis pomeridianis in reliquis scri-
 ptoribus, tum Græcæ tum latinæ lin-
 guæ, tantundem posse cognosci: præ-
 ter eos libros, qui ab anagnoste, de
 quo præcepimus, recitabunt. *Quam*
 obrem hoc triennium religionis da-
 bit magnam cognitionem: & in Ci-
 cerone philosophiæ non minimam
 partem: exempla multa, multasq̃ sui
 tēporis historias: quæ in epistolis &
 ora-

Pomeridianum tps.

orationibus condiscuntur: præter omne genus sententiarum, consiliorum, factorum, dictorum. atque hæc omnia labore antemeridiano neque magno, neque ingrato: si ratio & modus adhibeat. Pomeridiana uero studia multa dabunt ex Aristotele, Platone, Demosthene, Xenophonte, Herodoto, Thucydide, Homero, Hesiodo, Euripide, Sophocle, Pindaro: reliquisque oratoribus & poetis Græcis: item ex latinis, ut Cæsare, Salustio, Catone, Vergilio, Lucretio, Catullo, Horatio: etiam si reliqui adiungi non possint: quantum tamen ex his doctrinae, et uarietatis comparari possit, facile perspicitis. Sed tamen nullum ueto scriptorem præteriri: ex quo non aliquid degustet: & cuius pars non aliqua percurratur: et aliqua diligenter obseruetur. uerum ita ut temporis cura geratur: et habeat ratio triennium, et finis quem constituimus studiorum. Atque hac de causa neque omnes scriptores nominaui: neque omnes hos le

C iij

NOBILITAS

Plautus.

Ouidius.

Plinius.

Liuius.

Tacitus.

gere iubeo: neq; ueto eos quos non
 nominaui nō cognoscere. Poëta ue-
 rē Romanus est Plautus: & natura
 poëta copiosus et cōcinnus Ouidi-
 us: et Plinius uterq; perutilis: et histo-
 ricus grādis Liuius: & uerus explica-
 tor Tacitus, et qui de agricultura scri-
 pserūt: & de architectura: & de re mi-
 litari: quis neget eos homini literato,
 & docto, non esse complectendos:
 sed mea præceptio triennij est: & ac-
 commodata est ad uestram ætatem,
 & genus, et uires. uobis enim scribo:
 in quo ego qualem nobilem erudiri
 uelim, ad Cæsarum & Regum consi-
 lia, & ad rerum publicarum curatio-
 nes, considero. neq; tamen mihi ullū
 est dubium: si quæ partim intellige-
 re oportet, partim tenere memoria
 consequemini: ex sacris autoribus, et
 ex Cicerone toto: & ex orationibus
 Demosthenis melioribus: & ex Ari-
 stotelis, atq; Platonis libris de Rep.
 et de legibus: et ex illis quos paulo
 ante

ante indicavi paucis: in quibus etiā aliqua præteriri patiar, si tempus id flagitet: & tamen si solum hæc inquā cura & ratione assequemini: non dubito, quin grati futuri sitis, omni erudito cœtui: omni literatę congressioni: omni prudenti consilio: non minus quàm in sermonibus tribus de oratore Cotta, & Sulpitius, Sceuolę, & Crasso, & Antonio grati & iucundi fuerunt auditores: & quàm fuit acceptus Ciceroni in disputatione de finibus bonorum adolescens Triarijus. Sed iam tempus est, ut ad rationē legendi, & scribendi accedam: quæ pars est præcipua huius instituti. <sup>transi-
tio.</sup> nam iam ferè omnes sciunt, qui sint legendi præcipue: & quę legenda uenicuiq; utiliter: *quomodo uero legendum sit, primum id scire paucorum est: deinde uariū est.* quot enim inquit ille capita tot sensus. ego uero meā uobis sententiā meo arbitrato, meoq; more exponā: nihil propriū arbi-

Quo modo legendum.

NOBILITAS

arbitrans, si quid in his etiam ab alijs
 usurpatur: & suū unicuiq; relinquēs
 iudiciū, uobis cōsulens; alios ad hāc
 pręcepta non alligans, In legendo au-
 tem eandem, quā in scribendo, atq;
 dicendo rationem, uehemēter sequi
 oportet: ut prima cura habeatur re-
 rum: altera uerborum. Sed ut in scri- *A. singl.*
 bendo atq; inueniendo, primum o-
 mnium cogitandū est quid docere,
 aut defendere, aut tradere uelimus:
 deinde quibus id consequi rationi-
 bus. sic in legendo, primū percurren- *Armo-
datio.*
 dus uniuersus uel liber, uel oratio,
 uel epistola, uel opus aliquod uni-
 uersum: deinde singula cognoscen-
 do, iudicando, ponderando sumen-
 da in manus, ut ne quid lateat intelli-
 gentiam: sine qua omnis est fluxi-
 lis memoria: & incerta obseruatio:
 & fallax imitatio. Quanquam uerū *Omi-
patio.*
 est, occurrere sæpe apud scriptores
 antiquos loca: tanta difficultate,
 & obscuritate: ut uel intelligi nullo
 modo

Consilium legēdi

modo possint : uel labori utilitas ,
 postquam intellecta sunt , nō respon-
 deat . quæ ego , cum talia sunt , præter-
 eunda censeo . Memini me , cum ado-
 lescens Louanij mihi domi orationē
 Roscianam legerem : præterisse il-
 lam allegoriam de lacu Seruiliano :
 & cum Luteciæ eandem publicè in-
 terpretarer : quoad potui explicasse :
 & antea Budeū consuluisse . sed tum
 memini me etiam hoc consilium de-
 disse meis : ut in huiusmodi scopulis
 facerent : quod boni aratores in se-
 mente , & messe faciunt : qui spineta ,
 & radices arborum altas , & saxa
 prærupta , arando & metendo præ-
 tereunt : si impensa fructum superet .
 sic etiam illi , notent ea loca , quæ uti-
 liter in præsentī cognosci nō possint .
 ueruntamen ut illi quæ cum emolu-
 mento possunt saxa euertunt : et trun-
 catas arbores effodiunt : & spinas
 euellunt : sic etiam illis operæ præ-
 cium esset in ijs sententijs subsistere :
 quæ

*A suis
exemplis*

a signis

*arrendo-
datis si-
militudini*

NOBILITAS

quæ intelligi possint, etiam si sint dif-
 ficiles: & si absq; ijs lumen cæterorū
 obscuretur. Primus igitur legendi la-^{trans-}
 bor in his duobus consistit: proxi-
 mus est ordinis atq; collocationis:
tertius tractationis. cū uideatur quæ
 principio tanquam in acie aut pom-
 pa disposita sint: quæ ad extremum
 retenta: quæ in medio concinnata. et
 cum obseruatur quæ commemoren-
 tur copiose: quæ breuiter percurran-
 tur: & quoties aliqua repetatur. tum
 quibus id uerborum generibus, &
 sententiarum formis: & qua ratione,
 atq; uia. in quibus sita est omnis & in-
 telligendi, & imitandi, & scribendi,
 atq; dicendi ratio, ad eamq; tria oportet
 locorum genera comparare. unū
 rerum: qui libri uocantur locorum
 communium. alterum uerborum:
tertium artificij, et exemplorum: quæ
 artis præcepta repræsentent. Rerum
 & uerborum loci ijdem propè sunt:
 quorum distinctio à me indicata est
 in

Liber de oratione

in alijs libris. Artis loca inde sumun-
tur, unde præcepta hauimus: quæ o-
mnium optimè atq; perfectissime ab
Aristotele atq; Cicerone sunt tradita.

*Designa-
tio pro-
prietatis
in ab-
solutis.* *Αναλυτικῶς*
est: de qua sæpe ex me audiuiſtis: quā
oportet à primis annis instituere: in
eaq; exerceri, & conſtanter pergere:
ſi eos ſequi uolumus qui apud Græ-
cos & Romanos doctrinæ gloriā
obtinerunt: & in rebus pub. admini-
ſtrandis habiti ſunt ſapientes: nō ſo-
lum Rhetores, aut oratores, aut phi-
loſophos; uerum etiam Conſules, &
Imperatores, & Reges: quos non mi-
nus fama doctrinæ, quàm factorum
gloria celebrauit. quo magis uitupe-
randa eſt noſtræ nobilitatis barbara
cōſuetudo, & agreſtis opinio: in qua
plurimq; ſunt, qui exiſtimant non ſe ſa-
tis militares, atq; bellicosos haberi: ſi
literarum periti uideantur. quos do-
ctrinæ pudet: morum nō pudet: qui
mores cuiuſmodi ſint in aliquibus,
me

NOBILITAS

me pudet commemorare. Quanto <sup>Ancij. huc
p. 1. alia.</sup> magis laudandū est, in illustri domo,
 homines nobiles esse: quorum et ge-
 nus, & uita, & doctrina consentiunt:
 qui sumptis aut à maioribus suis, aut
 melioribus familijs præclaræ uitæ
 exemplis : ipsi exemplum sint, suæ
 post se stirpi: & cæteros mortales ad
 similem uirtutem excitent. Alcibiades <sup>Ab exemplis
Alcibiades.</sup> di nobili homini Atheniensi, quid
 magis obstitit ad ueram gloriam:
 quàm quòd Socratis consilio, &
 præceptis non obtemperauit: In eadē <sup>Ab exemplo
Pericles.</sup> antea republica Pericles, quic-
 quid famæ & nominis comparauit:
 eius partem maximam eloquentia
 atq; doctrina sibi arrogat. Inuisa fu-
 it C. Iulij Cæsaris, noua dominatio: <sup>Ancij. huc
p. 1. alia.</sup> tamen eam inuidiam, atque bono-
 rum uirorum uituperationem, com-
 mentarij eius minuūt: in quibus uir-
 tus in eo militaris elucet: non tam fa-
 ctis eius celebrata : quàm exornata
 ab ipso suarum literarum monimen-
 tis.

*Redy-
and in
nigum* tis. Sed ut eò unde digressus sum re-
 uertar : tria oportet illa, de quibus
 dictum est, genera habere uolumis
*Omnia
no.* num rerum, uerborum, artis. & quan-
 quam linguæ Latinæ commentarij
 multi in manibus sunt hominum:
 quidam etiam locos congerere et im-
*Respon-
sio.* plere conati sunt omnium rerum; ta-
 men ad memoriã utile est, et ad pefre-
 ctionē quenq; suos habere à se diges-
 stos locos : & aliorum inuentis aut
 addere aliquid, aut detrahere, aut im-
 mutare. Et quoniam de uerborum
*Apodix-
is de lo-
ris uerborum.* locis, qui ijdem ferè sunt cum rece-
 praculis rerum, sæpe aliàs & dictum
 à nobis est, & scriptum: non opus est
 hoc loco eadem repetere. artis lo-
 ci ex ipsis sumuntur Rhetorum præ-
 ceptis: de partibus orationum, de
 generibus causarum, argumenta-
 tionum, ornamentorum, circum-
 ductionum. Et quia horum obser-
 uatio ad secundum legendi la-
 bore pertinet, de quo paulo
 antè

NOBILITAS

ante dicere incepimus: & quia legendi, & obseruandi, & annotandi coniuncta, & continuata esse tempora debent: explicemus paulo copiosius hanc obseruandi, & annotandi rationem. Incipit igitur hæc ratio ab animaduersione, & comparatione desinit.

Animaduersione.

¹ *Animaduersionem* γνῶσιμ ἀπαρ-
^{πραγματογνομία} *pello* τῷ ὑποκειμένῳ πράγματι καὶ ἐξ-
^{ἀποδείκνυται}

comparatio

² *γασίας: & comparationem*, τὴν τῶν

ἄλλων συζητησιμ.

Primum enim con-

siderandum est, quid dicatur, et quo

modo: deinde quoniam una res uar-

iam sæpe tractationem habet, pro-

pter decorum: comparanda præsen-

tia sunt cum alijs, quæ uel ab eodem

autore composita sunt, uel ab alijs

scriptoribus concinnata. Post hoc bi-

partitū studium, ad annotationem

transeundum: & quæ sunt animadu-

uersa, atq; intellecta, ea ad artis los-

cos, atq; uolumen comportanda: &

suis distinguenda quasi cellulis. An-

*Triplex annotan-
 di ratio.*

notandi rursus triplex ratio est: una,

*Anno-
 tatio
 ratio.*

cum


NOBILITAS

tur, ianua, & fenestra, & columna,
cæteræq; partes ob oculos artificio-
se ponantur, & uniuersa structura
appareat: cuiusmodi etiam in ædifi-
catione uerborū in Albutio & Cras-
so, Lucilius & Scauola animad-
uerterunt.

*Quam lepide lexis composta, ut tessera omnes
Arte pauimento, atq; emblemate uermiculato.*


Crassum habeo generum, ne rhetoristero' tu sis.

Ergo delineemus primam illam a-
pud Ciceronem trium membrorum
compræhensionem. Quæ res in ciui-
tate duæ plurimum possunt: mem-
brum est unum quatuordecim syl-
labarum. Sequitur alterum, quod to-
tidem est relatum syllabis: hæ contra
nos ambæ faciunt in hoc tempore.
Tertium breuius est, decem syllabis
curtatum: summa gratia & eloquen-
tia. Hermogenes hoc ge-
nus triangulo ἰσοσκελῆ ερε-
cto notabat. Sed quoniam



aliquando

aliquando & primum collocatur, al-
quando in medio accommodatè ad
mentis auriumq; iudicium interpo-
nitur: tribus etiam explicatis lineis
potest designari: duabus æqualibus
tertia breuiore.



Eadem ratio teneri potest in com-
plexionibus duorū & quatuor mem-
brorum: eadem in longioribus cir-
cumductionibus, de quibus in rhe-
toricis audiuitis. Neq; difficile mi-
hi esset plurima exempla propo-
nere: si ferrent librarij, & huius esset
loci. Aliud etiam tempus hæc tra-
ctatio desiderat: nunc uobis hanc ra-
tionem quasi procul ostendere sa-
tis est: præsertim cum similia ex me
aliquādo cognoueritis. Sed nō com-
prehensio solum, & ambitus senten-
tiarum hoc modo: uerum etiam

D ñ

NOBILITAS

reliquæ oratorum tractationes, quas
ἑρμῆας uocant. Exposui uobis hac
 ætate Virgilij Eclogas: & concinni-
 tatem in carminibus tristis & calami
 tosi Melibœi indicaui. Primi enim ^{vide i. 6. 3.}
 quatuor uersus comparisonem ha-
 bent: sed quomodo tractata, qua ra-
 tione coædificata?

*Tityre tu patula recubans sub tegmine fagi,
 Syluestrem tenui musam meditaris auena.
 Duobus uersibus* *foelicitatem* Tity-
 ri cecinit; de se uero uno & dimidia-
 to conqueritur.

*Nos patriæ fines, & dulcia linquimus arua:
 Nos patriam fugimus:*


*Redit post ad Tityri foelicitatem, &
 perficit uersum inchoatum, & addit
 integrum.*

tu Tityre lentus in umbra.

Formosam resonare doces Amarillida siluas.

Expolitio ista circulum habet. Est e-
 nim ut uerborum, ita etiam rerum *κύ-
 κλος*, & *ἑρμῆας κυκλωειδής*. itaq; qui
 Mathematicos sequebantur, circulo
 anno-

annotabant: potest tamen etiam hæc
figura assignari.



Incipit itaq; à Tityro Melibœus:
Origine & in eodem desinit. Sed quærat ali-
 quis fortassis, quas hæc ratio utilita-
 tes habeat: cum proluxa sit, & propè
Respon- infinita, & libera scriptoribus. Et ut
so. ad postremum primo loco responde-
 deam: liberum non est, quod audito-
 rum auribus, & eruditorum homi-
 num iudicio debet satisfacere, & re-
 bus ipsis accommodari. deinde etsi
 exempla infinita sunt, (multa enim
 extant, plurima interierunt, noua for-
 tasse multa constituentur) tamen tra-
Confer- ctatio ipsa terminata certis generi-
unt hæc
p. ex m. bus est: ut hæc ipsa, de qua loquimur,
quæ res
pariter comparatio: quæ est uel similium re-

NOBILITAS

rum, uel contrariarum, uel aliquibus
 rebus differentium. Deinde uel ut
 truncq; uel æqualiter aut contrahitur,
 aut producitur: uel altera pars ma-
 gis: uel prima etiam ad postremum
 repetitur, ut in hoc Virgilij princi-
 pio. Ut enim architecti non est o-
 mnia, quæ ubiq; sunt ædificia intue-
 ri, atque cognoscere, sed satis est in
 singulis generibus meliora aliqua
 ad imitandum inspexisse: ita etiam
 scriptori faciendum est: ut in omni-
 bus paucos deligat, quos æmuletur,
 & cum quibus uelit contendat. *Ab 174.* ^{Ab 174.} *Ab 174.*
 Vti-
 litas uero in his est: primum, quod
 res melius intelligatur, eoq; memo-
 riæ magis consuletur: deinde artifi-
 cij obseruatio uoluptatem gignit, ex
 qua constantia & auiditas nascitur,
 in perlegendis aliorum scriptis: qui-
 bus contraria sunt leuitas atq; satie-
 tas uitia, quibus in studijs nihil est
 nocētius. Tum ad iudicandum mul-
 tum opis adfert hæc diligentia: & sæ-
 pe

*Ab eunt
plus
spe hinc.*
pe artificium in facili loco animadu-
uersum, in difficilioribus ea quæ re-
condita sunt, eruit. ut Tityrus in sua
antistrophe, primo uersu ocium &
Deum fatetur.

○ Mœlibee Deus nobis hæc otia fecit.

deinde duobus uersibus rationem
reddit, & promittit honores.

Namq; erit ille mihi semper Deus: illius aram


sæpe tener nostris ab ouilibus imbuet agnus.

postremis duobus uersibus redit ad
ocia, quorum meminit, eaq; ex-
plicat.

Ille meæ errare boues, ut cernis, & ipsum

Ludere, quæ uellem, calamo permisit agresti.

Ergo etiam hi quinque uersus, lineis
depingi possunt, ut ipsa structura o-
peris appareat.



NOBILITAS

Est etiam alia utilitas huius rationis, 4.
 quæ primum est in annotationibus,
 quas appellavi ἀποσημειώσεις: deinde
 in istis aposcematismis: quod hac
 uia patefacta etiam conspicitur, quo
 modo inter se genera dicendi differ-
 rant, & quibus id consequamur ra-
 tionibus. Quomodo enim iudicabitur ^{Expositio}
 tur, quid inter se tria Virgilij principia ^{habet ex}
 pia differant: huius Eclogæ, & Geor- ^{gicæ et}
 gicorum, & Aeneidos, absq; hac ob-
 servatione? Primum enim concin-
 num est hac comparatione, id quod
 pastoralis cantui conuenit: alterū par-
 titione mediocriter auctum, quod
 rusticam parsimoniam, & agricultur-
 ram decet: tertium ornatum circums-
 criptione ampla, quam heroica po-
 stulabat grauitas. Atq; hæc tria ut ar-
 tis uocabulis, sic etiam lineis poterūt
 distingui. Habet igitur hæc ratio et-
 tiam hanc utilitatem, ut quæ parum
 inter se differant: tamen, quomodo
 differant, clarissimè indicent. Eosdē
 enim

*Ab alijs
exemplis* enim habent, ut uocant, pedes hi
duo uersus.

Tityre tu patula recubans sub tegmine fagi. ☞:

Protenus ager ago, hanc etiam uix Tityre duco.

at differunt & uerborum literarūq;

concurſu, et harmonia: ex quibus nu *Numerus poëticus.*

merus nascitur poëticus, id quod
hac ratione intelligitur.

! . . . ! ! . . ! . . ! ! . . ! !

Nam primus pes et quintus similem
harmoniam habent, sonus enim uos
cis est in prima, hoc est, in tertia citra
postremam: et secundus et tertius in
media. Alter uero ille uersus,

Protenus ager ago, hanc etiam uix Tityre duco:

cū ijsdem metiatur pedibus: tamē so
no & collocatione literarum differt.

! . . . ! ! ! ! ! . . ! ! ! . . ! !

Nam secundus & tertius numerus
heroicus duos sonos acutos habet:
& tertius uocalium contractionē: &
spondæi duo sunt magis sonantes:
ita ut iste primo illo, ut est reipsa tri
stior,

NOBILITAS

stior, sic etiam sono grauior existat.
 Poëtarum hæc sunt exempla : ^{omni pte} ~~sed~~ ^{Responso}
 quia uobis ista superiore proxima
 æstate & interpretatus sum, & indi-
 caui : uolui notis ex proximis uti
 indicatijs . Deinde eandem ratio-
 nem in oratoribus & historicis se-
 qui debemus : & habent omnes
 scriptores multa inter se commu-
 nia. Si enim dicam : Vir sapiens ^{Ab ex pto}
 semper honestatem sequitur : &
 pro ea mortem libenter appetit :
 stultus rebus honestis uoluptatem
 anteponit : quam sapiens non sen-
 suum titillationibus, sed uirtute at-
 que honestate metitur. Philosophis
 cum istud genus orationis est : sed
 compositum ad imitationem ex-
 emplii poëtici : quod absq; hac siue
 arte, siue ratione, siue obseruatione,
 aut quomodocunque appella-
 re placet, aut non potest, aut diffi-
 culter poterit intelligi. & uerbo-
 rum istud genere atque natura à
 Vergie

Vergilij uersibus differt: forma fe-
Asimilare re eadem est, ut inter se duæ togæ
 discrepant, quæ forma sint eadem
 consutæ: sed altera uiridis sit, & læ-
 tioris coloris: altera nigri, & seue-
 rioris: & ab altera ulna aliqua pan-
Epilo-
gus. ni opificis arbitrato detracta. Hæc
 obseruare, & huiusmodi ratio-
 nes locis digerere: magnas utili-
 tates ad utendum atque mutan-
 dum parat: magnam in cognos-
A sancti
formi
uone. cendo uoluptatem gignit. Et quan-
 quam uarium & multiplex sit: ta-
 men unius horæ quotidiana di-
 ligentia, ubi neque magister ne-
 que ingenium deest: mirum est
 quantum triennio humana potest
 consequi industria. Sed uestram ego
 uitæ & gentis conditionem considerans:
In quibus
anipho-
ribus hinc
scilicet ob-
seru-
da. consulo, ut in orationibus pri-
 mum Ciceronis, & Demosthenis,
 hoc studium præcipue ponatis: dein
 de in libris Philosophicis Cicero-
 nis, & historicis. Quanquam etiam
 epistolæ

Consulo pro sua deo-
 r. anipho. scilicet. X. de se.
 72. b.

NOBILITAS

epistolæ de principio statim in manus sumendæ sunt. In omnibus his per interualla sæpe temporū ad poëtas transeundū : sed parçè neq; diu, antequam stylus & copiosus fiat, & oratorius. Placet enim mihi Antoni<sup>Ab ex-
plo Anto-
ni, q. 2. ob-
tenet</sup> us apud Ciceronem: qui in causis se-
ciuilibus & forensibus diligenter &
perpetuò exercuit: & historijs se ob-
lectauit: philosophos legit, sed non
secutus est: propter angustas atque
concisas disputationes: a poëtis tan-
quā altera lingua locutis abstinuit.
Sed fuit dissimulator studiorū An-
tonius, ut etiam artis suæ dicendi: &
cum se dicit philosophos non intelli-
gere, & poëtas non attingere: indi-
cat, quid in imitando sequendū sit,
quid uitandum: idēq; oratori, cuius or-
ratio in multitudine debet probari.
Atq; hæc eò ego scribo, ut uideatis, in
quibus maximè operam consumere
uos oporteat: quò ad eum, quem pro-
positum habetis, finem perueniatis.

Iam

Transcribenda
 0. ^{Transcribenda} lam uero quia omnis obseruatio, omnisque exemplorum notatio stylo præparata est, & ad descriptionem reliquamque exercitationem dirigitur: de scribendi ratione, quam uos sequi oportet, deinceps est dicendum. In qua *Ratio scribendi.*
 De argu-
 2. ^{De argu-} illud primum præcipitur: ut de argumento cogites, quod Aristoteles τὸ ὑποκείμενον πρᾶγμα nominat. Id eius modi sit, ut totum à nobis intelligatur. Neque enim fieri potest, ut cuius naturam non perspexerimus, id scribendo possimus exprimere: non magis, quam si pictor, quem nunquam uidisset, aut de quo non audiuiisset, Aiakis clypeum, aut Achillis arma, aut Diomedis et Glauci honorarias donationes & congressus uellet depingere. ^{De argu-} ^{De argu-} ^{De argu-} Primum igitur sit in præceptis, ut rei natura uniuersa cognoscatur. Ex quo alterum efficitur, in rebus delectum habendum esse: ut ex principio huius exercitationis eligantur, quæ ad intelligendum faciles sunt: & ad

NOBILITAS

& ad tractandum atque demon-
strandum non nimis prolixa. In ^{Argolo.}
prolixitate enim & obscuritate ^{quod}
praesertim incipienti, operosa mole-
stia metuenda est: ex qua fastidium
oritur huius consuetudinis: quam
laetam esse & hilarem uolumus, non
tristem atque abiectam. Nam ut ^{Confir-}
non tam canit bene, qui canit inui-^{matio}
tus: ita etiam non tam scribit,
elimatè, qui cum fastidio scribit,
quàm qui scribit studio excitato.
Itaque & notis rebus principio sty- ^{Epilogus}
lus applicetur: & non prolixis, ne- ^{esse}
que obscuris. Quibus duobus illud
adiunctum atque cognatum est, ut
etiam breui explicentur. uersibus
enim, non uniuersa rei natura, mo-
dum huius diligentiae censi uo-
lo: ut est breuis alicuius uel episto- ^{Ab exo-}
lae, uel narratiunculae, uel argu- ^{plus est}
mentationis, uel comparationis &
similitudinis, similiarumq; breuium
rerum tractatio. Illud etiam hoc in
loco

loco recte præcipitur : ut primus
annus in Cicerone consumatur,
ex eoque stylo suppeditemus ma-
teriam : neque integras institua-
mus ad eius imitationem oratio-
nes : sed primò particulas aliquas,
idèq; breuiores : quæ uel necessari-
um , uel insignem aliquem locum
habent. Voco autem necessarium,
quo ferè ^{ubi} semper utendum est : insi-
gnem, qui hoc ipso commendatur,
quod propter perspicuam concin-
nitatem accersitur rarò , & in leuior-
*Epilogus*ibus absconditur. Ciceronis igitur
primo anno libros & lectio-
ni tribuimus & stylo : ceteros uero
scriptores tum Græcos, tum Lati-
nos, legendo solum cognoscere per
id tempus est satis. & hic annus so-
lutæ tantum oratorum orationi de-
tur : insequentes etiam historicis at-
que poëticis exercitationibus largi-
mur : sed parçè, ut ne prima hæc
& princeps exercitatio impediatur :
neq;

NOBILITAS

neq; imprudenter alienis aut histori-
 corum exercitationibus, aut poëta-
 rum linguis, senatorium & forense
 oratoris os uocemq; uideamur infi-
 cere. Hæc omnia illi facilius, & cer-^{Digne-}
 tius consequentur: quibus præmon-^{apud ad}
 strator & magister cōtinget. Et quo
 niam pauci sunt, qui id poterunt; dili-
 genter uidendū est, ne indoctus aut
 imperitus, pro erudito & exercitato
 cōparetur. Atq; hæc de stylo, & scri-^{Transi-}
 bendi consuetudine; cui coniunxe-^{no.}
 runt ueteres commentationes & de-
 clamationes ante actiones forenses
 atq; ciuiles. Sed quoniā omnia hæc
 absq; imitatione frustra instituun-
 tur: dicēdum deinceps de hac est, in^{Propo-}
 qua ista quæri possunt: quid sit imi-^{no.}
 tatio; & qui proponendi ad imitan-
 dum pro exemplo: et unus ne esse de-
 beat exēplo, an multi: tum, quæ imi-
 tanda, & quomodo: postremò, quo
 sit instituenda imitatio tempore. De^{Attu-}
 quibus omnibus ego meam uobis^{que me}
 exponam^{de qm}

7 mi fatio.

exponam sententiam : sed paucis.
 nam omnia in hoc libello, & in hoc
 uestro consilio copiose demonstras
 re non decet. Non enim doceo quid
 omnibus imitatoribus agendum sit:
 sed quā uiam uos ingredi debeatis:
 qui a reliquis literatis uiris, quibus
 propositum est solum philosophari:
 tum generis nobilitate, tū uitæ insti-
 tuto estis separati. Imitationē appella-
 2. *Quid sit imitatio*
 10 μιμητικὴν: in qua ἑμιμος est, studiū
 & amor eius consequendi, quod in
 alterius oratione laudabile et admira-
 bile uideat. Ea uerò ratio est exprimē-
 di in tua oratione, quæ in aliena aut
 laudabiles aut illustres sunt, dicendi
 tractationes et formas: quas Græci
 tū εἰδὴ: tū ἰδέας nominant. *Id est id est.*
 Quam ob-
 rem & artem in hac ratione esse uolu-
 mus: ut nihil fiat contra decorum,
 quod summa semper cura alendum
 est: & scientiam rei uniuersæ, & om-
 nium rerum: non unius alicuius rei,
 3. *Id est id est.*
 aut partis unius. Quis enim eū lau-
 E

NOBILITAS

det pictorem, qui manus solum in
 homine depingere possit: reliquas
 partes non possit: aut humana capi-
 ta qui possit deformare: reliqua ani-
 mantia coloribus & umbris conue-
 nientibus representare nesciat. Non
 hæc ratio artis est, neque parua, ne-
 que tenuis scientiæ: sed tenenda sunt
 in hac doctrina, quicquid omnia di-
 cendi genera postulant: ad quæ om-
 nis est referenda imitatio. Ex quibus ^{Ex his}
 intelligitur, quod secundo loco ^{imagine}
 quærendum fuit: quis potissimū sit ^{dictis}
 imitandus, quē pro exemplo habeas-
 mus atq; æmulemur. Is enim nos ad
 suas uirtutes maximopere appeten-
 das excitare debet: in quo plurimę et
 artificiosissimæ apparent & extant:
 non quod ornatus ita debeat esse <sup>omni-
pa-
re.</sup>
 applicatus, ut ab omnibus intelli-
 gatur: sed de uobis loquor, & de
 imitatoribus: qui, quod reliqui non
 possunt, ipsi possunt uidere dicen-
 di formas, & earum ornamenta. Sed
cum

in cum apud Latinos scriptores, ueteres illos Romanos, quorum & sana, & uolubilis, & ornata lingua fuit, nullus sit, qui propius omnes *id est* orationis spectandas nobis dederit, præter Ciceronem: huic etiam, cum & suæ ætatis scriptores, & qui post alijs scripserunt insequentibus sæculis, eloquentiæ primas dederint: quis est, qui dubitet, hunc in exemplis quasi antesignanum debere collocari: nulla forma est oratoriae eloquentiæ: nulla etiam philosophicæ disceptationis: nulla sermōnis quotidiani: quam non uel totam expressamq; ostenderit: uel cuius non partem ita delinearit, ut quomodo reliquæ partes effingendæ sint, à mediocri artifice non intelligatur. Sit igitur hoc datū atq; positum: hoc scriptore nullū neq; certius, neq; præclarius in Latina lingua exēplū: sed solū ne sit, & alia ne etiā præclara uideamus. qua in quæstione si roger,

E ij

NOBILITAS

sint ne omnia à Cicerone literis tra-
 dita: & ea ne omnia adhuc hominib.
 bus extent: rogor quod neq; ignora-
 ri potest, neq; debet interrogari. Ca-
 remus enim eius de repub. libris, id
 quod omnes sciūt Grammatici: nul-
 las habemus ab eo scriptas histori-
 as: nihil etiā eorum scripsit, quæ à
 Varrone de agricultura: à Plinio de
 rebus naturalibus: à Vegetio de re
 militari: à Vitruuio de architectura
 sunt explicata. Iam quā multa sunt
 apud Græcos philosophos, medi-
 cos, historiarum scriptores: quæ non
 à Cicerone sunt attacta: uerum nos
 de imitandī scientia loquimur, quæ
 sola facit perfectum artificem, & mo-
 deratrix est styli: etiā si ipse stylus sit
 dicēdi effector et magister uocatus.
Permitto, ut omnes atq; omnia legā-
 tur: sed ratione atq; iudicio. ut statua-
 mus ab alijs materiam multam, &
 magnam, & præclaram accumulari
 posse: uerba etiā congeri: & stylū,
 de quo

de quo loquimur, Imitatorem optimi cuiusque exempli, delectum adhibere, rebus ipsis convenientes formas adferre: quarum genera & proprietates nusquam melius, quam in Ciceronis monumentis conspiciuntur.

*Oratio
pro* Quamquam fateri debeo, & libenter fateor: apud Demosthenem esse nonnulla, quorum imaginem apud Ciceronem non facile reperias. & in Platonis sermonibus multa sunt preclara & diuina, digna imitatione: quorum à Cicerone etiam si adumbrata saepe sit, tamen non est aliquando penitus expressa effigies. Deinde quis negat, si historia scribenda sit: aut si uersus faciendi, poetam imitandum esse: sic etiam historicum deligendum, cum quo contedatur: & ad eius imaginem quam proximè conandum ut accedamus: Quid ergo est? id est imitandi, qui legendi, ordo. Primus labor Ciceroni tribuatur: & quod huic deest, id conquire aliunde. sed hunc

NOBILITAS

Comparatio.

prius disce, & in hoc te prius exerce: & quoad proficis, non te tui exempli pœniteat. ^{f. 27. d. 4. 8.} Memini antea comparationis, quam συζήτησις & σύγκρισις scriptorum Græci nominant: quæ utilissima est studiorum ratio. quis negat à Cicerone & Demosthene multarum rerum eandem esse sæpe expolitionem: sæpe etiam esse discrimen: quis non laudabile putet, cum apud alios inuenis, quod bonum & singulare est, idem non consignare: & ad locos artis & imitationis, quorum memini, deportare: ibi tractationem delineare: autorem iudicare: rem tractatam breui subijcere? Cum ergo de Latina lingua sit questio: et hominis togati uocem & orationem polireatque ornare propositum sit: et primæ semper partes Cicroni sint tributæ: neque quisquam hoc scriptore tam uaria dicendi genera summa cum elegantia, et orationis decoro expresserit: quis negabit tam diu hunc relin-

relinquendum non esse : dum cognoscuntur res præclaræ, quæ antea à nobis ignorabantur : & dum, quæ uolumus, ea apud hunc inuenimus? Quod uero deest, id ab alijs non accipere, si liceat, dementia est. Sed si instructus ab huius oratoris copijs, facultatibus, opibus, ad alios uenias: non difficile erit, quid tibi desit, quod necessariū sit, animaduvertere. Et postea quam benè infectū erit huius eloquentiæ saluberrimis fontibus palatum : minus periculi erit in alienis humoribus, ne idē deprauato sensu corrūpatur. Vt igitur à Demosthene lacertoso oratore utiliter ad Isocratem politū & comptū scriptorē transitur, aut utriq; eodem tempore recte coniungunt: ita etiā à Cicerone ad Demosthenē non solū transitū fieri patiar: sed ut digressio per interualla fiat, consulo: & ut sæpe inter se comparentur, suadeo : ut etiā censeo, si historiā conficere propositum

NOBILITAS

positum est, ut aliud genus orationis institueremus: quod ipse etiam Cicero faciendum iudicat. Fusa enim historica oratio est, & tracta, ut inquit Antonius: & cum lenitate quadam æquabili profluens: ut in foro & iudicio, asperitas est, & sententiarum aculei. Ergo historia aliud dicendi genus postulat: quod in optimis autoribus animaduertitur. Sed tamen ad hoc ipsum consequendum, Cicero: qui idem potuisset, & certe melius fortasse, quam Salustius, aut Cæsar, aut Liuius, magnas facultates adferet, & iudiciū elatum supereditabit: non solum ut simile, sed ut etiam aliquando melius idem efficias. In Liuiopatauinatatem, ut scribit Quintilianus, Pollio depræhendit: quam non considerasset: si non ex melioribus cognouisset, quid Romanum esset, et quid Patauinum. Et qui Ciceronis aquis bene os imbutum habent: eodem illi gustatu in Liuiō

uio eam, ut ita loquar, peregrinitatem sentire poterūt: quam sensit Pollio. Sed hæc hæc hactenus de ea questione, in qua rogatur: quis potissimum imitandus, & qui præter hunc alij. Cicerone enim in primis: & præter hunc, in suo genere optimus quisq; sequitur, ut indicemus, quid imitandum sit: & qua prosequendū id sit ratione. Quæ pars tametsi proluxa sit, & fusca per omnia præcepta eloquentiæ: tamen ad pauca astringetur à nobis capita. Omnis enim ista deliberatio ab uno capite incipit: & id in duo continuò membra secatur. primum enim argumentum, quod explicandum suscepimus, considerari oportet, quò pertineat: deinde uidentum est, quam rerum flagitet tractationem, & quem rerum atq; uerborum ornatum requirat. Et hæc causa est, quamobrem tractatione, & dicendi genere, immutationis à me sit cōplexa & perfectā definitio. Neq; obscurus

NOBILITAS

obscurum est, si propositum est dialo-
 gum scribere, & homines inter se
 colloquentes introducere; nō ad ora-
 tiones Ciceronis spectandū esse; sed
 in Tusculanis aut Academicis quæ-
 stionibus, similibusq; sermonibus ef-
 se, quæ sequamur. Sic si orationē, si
 comœdiā, si tragoediā, si satyrā: quō
 sint oculi dirigendi, & in quod ani-
 mus intueri debeat, clarum est. Incipit
 ergo hoc studium ab argumen-
 to; & se ad duo capita seuocat. argu-
 mentum non semel iam à nobis ap-
 pellatum est, τὸ ὑποκείμενον πρῶ-
 γμα; alij ὑποθεσις uocant. Genus di-
 cendi ἰδιότης: tractationem nostro ar-
 bitratu, tum μέθοδος, tum ἐγχασίαν no-
 minemus: non quòd ratio ipsa tra-
 ctandī etiā ad dicendī formas pertie-
 neat: (habet enim quæq; suam tracta-
 tionem) sed rerum uocamus pro-
 prie tractationem: elocutionis uero
 & formæ ornatu: propterea quòd
 unaquæq; res proprium & conue-
 niens

Argumentum

Oratio

Proprietas

nientem ornatum desiderat. Sed argumentum deligendum est : qua in electione Horatij consilium sequi oportet: qui præcipit.

*Sumere materiam nostris qui scribimus equam
Viribus: & uersare diu quid ferre recusent,
Quid ualeant humeri.—*

Vires uero maxime diligētia iuantur. Qui enim ingenio et doctrina minus possunt : exemplo optimorum oratorum atq; scriptorū subsidio diligentiam debent comparare. Quo fit, ut uirium æstimatio tribus perficiatur: ingenio, cognitiōe, diligētia. Nam qui & ingenij acumine præditus est : & ad id doctrinā comitem atq; ducem comparauit, adhibita diligentia, & uehementi excitatione industriæ, magnum necesse est esse, quod nō queat scribendo poliēdoq; *Apodixis* persequi. Sed hanc partē deliberationis explicare totā non possumus, antequam de imitandi tempore cognoscatur: & quia uirium & ingenij atq; doctrinæ

NOBILITAS

doctrinae mentio facta est: expone-
 mus breuiter id, quod postremum
 fuit: quo sit imitatio instituenda rem<sup>6. dno te-
pore jny
maly.</sup>
 pore: quod non tam ætate censendū
 est, quā uiribus. Ut igitur pueros^{apoy.}
 Aristoteles à suis Ethicis excludit: ita
 ego etiā non pueros solū; uerū etiam
 eos remoueo uiros ab hac artificio-
 sa uia: qui præcepta dicendi non te-
 nent, qui rerum doctrinam nullam
 sunt adepti; & qui non summo stu-
 dio experant laudatissime & optime
 orationi suam quā simillimam exi-
 stere. Nam idcirco pueros Aristote-^{tylogia.}
 les & adolescentulos à sua discipli-
 na, ut opinor, depellit: quod nec uo-
 luntatis in ipsis sit cōstans excitatio:
 nec morale iudiciū. Sic nos etiam
 φιλορήτορα incenso animo, cuius pe-
 ctus nonnulla sit literarum doctrina
 eruditum, ad hoc studium, & imitan-
 di rationem admittimus. Imperitos<sup>huyho.
pis.</sup>
 uero, dum erudiantur: & ignauos,
 dum excitentur: ad reliquarum artū
 magistros

καὶ οὐδὲν ἐν τῇ διη-
 γήσει κατὰ τὸν βί-
 βλιν πρᾶξιν καὶ τὸ
 πρᾶξιν ἀποδιδ-
 ονταὶ ὅτι αὐτὸς ὁ
 ἄνθρωπος οὐδὲν ἔχει
 καὶ οὐδὲν ποιεῖ.
 τὸ αὐτὸ ποιεῖ καὶ
 οὐδὲν ποιεῖ.

magistros, qui eos ferre possunt, rele-
Conclusio gamus. Quo ergo tempore, animus
 ita comparatus atq; instructus est: id
 maxime idoneum est ad hanc con-
Paradisi
Stole. suetudinem. Quanquam non ego
 exquisitam doctrinam flagito: ista es-
 go uestra mediocritate contentus
 sum: ueruntamen huius exercitatio-
 nis tria sunt tempora: unum discipli-
 nae, quod primum est: alterū doctri-
 nae, quod medium: tertium atq; ulti-
Horatio
quin. mū perfectionis. Discere enim tam
 diu debemus hanc artem, dum neq;
 consequimur, neq; perficimus, quod
 diuulgari possit, & dignum sit omni-
 um auribus, & eruditis gratum. Po-
 steaquam uero & huius rationis, &
 plurimarum rerum doctrinam com-
A simply parauimus: ut bene exercitatus pos-
 terioribus agēdis partibus histrio,
 ad primas rectē, & in theatrum con-
Horatio
datio. spiciendus admittitur: sic etiam ue-
 stra oratio, postquam hoc modo ex-
 polita erit, nō metuet multorum sem-

tena

NOBILITAS

tentias : neq; doctorum hominum
 iudicia extimescet. Tertiū tempus,^{3.}
 quod erat perfectionis: tamen si optā
 dum sit, eoq; contendendum, ut nul
 lo opus sit nobis exemplo : tamen
 haud scio, an unquam cuiquam con
 tinget. In tanta enim uarietate, & *Aczolo-*
 excellentia philosophorum, orato
 rum, historicorum, poëtarum, erit
 semper aliquid, quod uel non legi
 mus antea, uel nō animaduertimus:
 semper quod cognoscamus. Diffici- *Compro-*
 le enim est omnia legere: omnia intel *batio rōm*
 ligere: propē omnibus mortalibus *inuenire.*
 negatum meminisse. Sed tamen,
 quoad possumus, contendendum et
 prosequendum est. turpe enim est *Aczologia*
sublister in uirtutis, & laudis, & *7. quoniam.*
gloriæ uia, cum progredi liceat: prae *Comprobatio*
sertim cum postremi labores plae *alibi palia*
rumq; primis & leuiore & iucun *quoniam.*
diores existant. Quamquam uerum *omnino.*
 etiam est, etiam si perfectissimis simi
 lis esse, aut anteponi non possis: ta
 men

NOBILITAS

rias, tanquam alienas lineas sequetur. Sed postquam hæc est adeptus aliquis: si ingenium habet, & si amor in eo est, & studium eloquentiæ, ut est in uobis: aperiatur ei hic ludus: & quantum hæc ratio atq; consuetudo possit, experiamur. Et principio quisdem huius studiij, quem optimum esse credemus in quacq; lingua, eū summa cū diligentia legemus: in eoq; cōsiderabimus, quid dicat: tū, quod ordine, quo genere dicēdi, qua tractatione. In qbus primū inuētionis est: ordo uero, collocationis: ^{forma} genus dicēdi, formæ. Tractatio autem est, quæ ipsam maxime formam constituit: et ornamenta orationis complectitur: & sententiā atq; argumentorum expolitiones: & membrorum, & circumductionum structuram, connexiones, numeros: earumq; omnium inter se rerum uarietatem: quæ in arte tradita, hic obseruantur, & quasi delineantur, et depinguntur: in uoluntate,

men, de quo dictum est, reconduntur: ut quoties opus erit, in promptu sint, & uidere possimus, quibus in unaquaq; re suscepta uestigijs sit insistentum. Ergo hoc primum est huius diligentiae tempus: obseruare in exemplo, & annotare, quae ars praedocuit. Neq; expectare debemus, donec omnia cognoscamus, & uolumen repleatur: sed de principio, simulatq; est aliquid animaduersum, stylum sumere, & simile aliquid fabricare, quò in loco de materia & argumento praecipit: ut à facillimis incipiamus, & industriam non oneremus obscuritate, sed facilitate releuemus. Quocirca in epistolis breuiores ad imitandum eligendae principio sunt: & in orationibus, ut etiam in longioribus epistolis, & in sermonibus philosophicis, pars aliqua breuis: ut est conclusio argumēti, similitudo, comparatio, narratiuncula, locus & sententia communis, ^{aut huius.} contrarium. Sed

NOBILITAS

hæc non tam materię sunt, quàm mo-
di: de quo iam dicemus. illud uero
huius loci: ut unūquodq; in suo ge-
nere. ut enim historicus historicum: ^{Scimus}
et Satyricus Horatium aut Persium:
& tragicus Euripidē aut Sophoclē:
sic etiam hic, quoniam plurimū in <sup>Ar-
te</sup>
ter se differunt, oratio forensis, & phi-
losophicus sermo, et collocutio fami-
liaris: quale unumquodq; in suo est
genere: tale etiam exemplum est con-
stituendum. Sed difficile est, iudicā-
re cuiusmodi aliquid sit, & esse de-
beat. ergo deinceps breui, ut institui,
de ratione imitandi, dicatur. In quo
primum considerandum est: quid
imitabile nobis sit, & quid sit in imi-
tando negatū. Imitabile uoco, quod
imitando cōsequi & exprimere pos-
sumus: μιμητὸν à Græcis appellatū.
ex quo ἀμιμητὸν quid sit, intelligitur.
Quæ uero imitabilia non sunt: illa
instituiere atq; suscipere extreme stul-
titiæ est. sed eorum duo sunt genera:
unum

Ratio imitandi.

ἀμιμητὰ.

unum natura imitabile non est: alterum temporibus. Quintilianus imitabilia esse negat, ingenium, inuentionem, uim, facilitatem, uerum est, quod scribit. Nascuntur enim ista nobiscum: & sunt naturæ aliorum, non nostræ: & arte neque dari, neque doceri possunt: tametsi appareant in exemplo. Hæc igitur naturaliter ad imitationem non pertinent: etiam si in imitando eluceant, & ex hac exercitatione nostræ etiā naturales facultates excitentur, erudiantur, confirmantur. Sed hoc genus, quod natura imitabile non est, nihil ad hanc rationem. Sunt enim alieni, non nostri ingenij: uerū sunt etiā quedam aliorum opera ita fabrefacta, ut sint supra nostras uires posita: cuiusmodi Horatio Pindarus uisus est.

Pindarum quisquis studet æmulari,

Iuli, certatis ope Dædalea

Nititur pennis, uitreo daturus

Nomina ponto.

NOBILITAS

Causam etiam indicat:

Monte decurrens uelut amnis, imbres

Quem super notas aluere ripas,

Feruet, immensusq; ruit profundo

Pindarus ore.

Eam Pindari grauitatem, & amplitudinem, & si ita loqui licet, granditatem, ἀμύμντον esse existimat Horatius. Accum sint quædam opera magnorum artificum, quæ principio quidem attingenda non sunt, quod assequi non possumus: tempore tamen fiunt faciliora. Non datum est enim incipiēti, orationem integram conficere, aut opus aliquod integrū: neq; si datum esset, consulerem. Tempus enim & facultatem suppeditabit: & dabit facilitatem. Quocirca in partibus facilioribus operum, & in minoribus membris primus labor consumatur: & paulatim ad maiora, atq; difficiliora, uniuersumq; opus fiat progressio: & ne quidem in perfectissimis demum admittenda despera=

*Consulo proinde.
vide fo. 30. a.*

4627 *4.* **S**peratio est. Aut enim exequemur,
quod uolumus: aut multa inde præ-
clara deportabimus, ad ea conficien-
da, quæ nostræ industriæ à natura
concessa sunt: ut etiam Horatius fe-
cisse se scribit:

Ego, inquit, apud Matinæ

More modoq;

Grata carpentis thyma per laborem

Plurimum circa nemus, uidiq;

Tyburis ripas, operosa paruos

Carmina pango.

Sed laudabilis hæc in Horatio mo-
destia est, quòd Pindaro primas tri-
buit: & Antonium Iulium ad maius
plectrum hortatur. **N**eq. enim quic-
quam imitatori magis, quàm arro-
gantia uitanda est: quæ semper leui-
tatis atq. stultitiæ est comes. **N**eq. ta-
men Horatius desperauit. nam est
in multis par Pindaro: & sæpe cum
Pindaro pudenter, atq. etiam cum
laude contendit. sed quia in scælix imi-
tatio ridicula est; de se fatetur modes-

NOBILITAS

ſte: alios monet prudenter: ne quid,
 quod uires ſuperet, conentur ſuſci-
 pere: ſi id uelint in lucem prodire:
 & de eo doctorum uirorum fieri ius
 dicium. at domi omnia tentanda at
 que conanda ſunt: in iſdem etiam
 immorandum, quoad proficimus.
 Veruntamen principium huius ſtu-
 dii in leuioribus, ſed tamen neceſſa-
 rijs ſumi debet. neceſſarium uoco, *inde s. 31*
 cuius non raro, ſed ubique eſt uſus.
 Cuius generis ſunt ea, quæ antea no-
 minaui: in quibus uidere oportet,
 quid imitatione ſit dignum. Quic-
 quid uero dignum eſt laude: id uel
 apparet, uel eſt reconditum. Quo-
 rum alterum genus Mathematicos
 ſecuti Græco uocabulo φαινό-
 μενον nuncupemus: alterum κρυπ-
 τόν. apparentia nomino: ut ſunt
 uerba, & eorum ornatus, & com-
 plexiones: ut inuentarum rerum
 collocatio, & ſtructura. Recondita
 ſunt, amabilium in oratore morum
 ſignia

significationes : non expressa uer-
 bis consilia : argumenta & senten-
 tiæ omissæ, quæ poni poterant : orna-
 menta etiam omissæ, quæ poterant
 applicari. Quæ tanti momenti sunt,
 ut ea qui in intuendo prætereant,
 nihil sit præclari moliturus. Vte-
 nim uirtutis est, non solum suscipe-
 re quæ sunt bona & laudabilia : sed
 etiam quæ mala sunt, uitare : & uti-
 ipsa aliquando non uidetur, sed
 intelligitur : ita etiam imitatoris
 officium non modo positarum &
 illustrium : uerum etiam præterita-
 rum & occultarum rerum conside-
 ratione perficitur. Oculis ergo imi-
 tator eruditus opus habet : primum,
 quia recondita non uidentur, nisi
 eruantur : deinde, quia illa ipsa,
 quæ apparere diximus, ita in scripto-
 ribus sapissime contexta sunt : ut
 non nisi à perspicace magistro & ar-
 tifice sentiantur. Atque idcirco

NOBILITAS

hæc ars principio magistri opem de-
siderat, cum is potest cōtingere: qui
argumenta det, qui imitanda indi-
cet, qui doceat, qui emendet: qui o-
stendat, quomodo similia sint diffi-
militudine occultanda. occultator e-^{Angelo.}
nim artis suæ esse debet, qui uelit esse^{zua.}
bonus imitator. lisdem per omnia u-
ti in exemplo puerile est. Nam tamen^{et hinc.}
si est artificiosum sequi Appellis Ve-
nèrem Anadyomenen, aut Satyrum
Protogenis: & iisdem uti coloribus,
lineamentis, umbris, nihilq; facere
dissimile: tamen excellentius est, quā
artem Appelles in Aesculapij aut
Priami imagine demonstraui: ean-
dem te in Apollinis aut Achillis re-
præsentare: & tamen totum id Ap-
pellis documēto esse assecutum. Pri-
mus igitur conatus sit, ut similitudo
non appareat: alter, si appareat, ut id
uideatur factū de industria: id quod
etiam est eruditorum. Sed tum id fa-
ciendum est: cum laudabilis est con-
tentio:

tentio: & non dissimilis elegantia, in
 rebus non iisdem, sed diuersis: & nō
 tam genere, quā tractatione simili
 bus. Multæ sunt Demosthenis ora-
 tiones, multæ Ciceronis: sed tamen
 in his ipsis Ciceronis orationibus, i-
 mō etiam in Philippicis, quę titulum
 habent quasi præclamatorem exem-
 pli, dissimilitudo iisdem dicendi for-
 mis captata est, et abscondita similitu-
 do: cū tamen Demosthenem sit secu-
 tus. Aeneas apud Vergilium, quæ
 loquitur, & quæ agit: quid differunt
 ab ijs, quæ Homericus Vlysses di-
 xit, & fecit: quid tam simile, quā
 utriusq; sæpe poëtæ dicendi genus:
 & tamē in summa similitudine quan-
 ta differētia: quanta uarietas: ut pro-
 pē non tam Vlysses Homeri dicatur,
 quā Aeneas Vergiliij. Sed tamen
 aliquādo placet extare, et sentiri imi-
 tationem: neq; improbo Bembi prin-
 cipium: Bembus Teupole pater mes-
 us: quod ad exemplum eius factum
 est,

Ab ex-
 1. B-
 67.

NOBILITAS

est, quo Cicero in Bruto suo utitur. nam ut ille de Hortensij morte, opinione omnium maiorem animo coepit dolorem: sic Bembus pater postquam Venetias de Virbini Ducis morte esset Senatui allatum, magnum sane dolorem coepit: ijs enim uerbis utitur: causas etiam doloris, ut Cicero, ita Bembus complectitur. & ut Ciceroni dolor oratione augebatur: sic etiam Bembo augeatur. Siue Bembus uoluit aliquo consilio agnosci similitudinem: siue putabat non uideri. ego certe pro patris eiusque dolore, legens ista latitiam percepi: & de hac ratione, tum illa considerans memini cogitasse. Veruntamen obtegenta imitatori omnis est similitudo: quae tum demum laudatur: cum par gloria scriptorẽ sequitur: quomodo uero & quibus in locis atque exemplis comparata sit non potest deprehendi. Occultandi uero modus in tribus consistit: addi-
tione

2. tionē, ablationē, mutationē: in qua
 3. sunt coniunctio, figuratio, cōmuta-
tio, trāsformatio: tum uerborū, tum
 sententiarū, tum membrorū atq; cir-
 cumductionū: in quibus quid sit ad-
 ditio et ablatio p se satis intelligunt,
 2. Græci πρόσθεσις & ἀφαίρεσις uocant:
 et uerbū sepe, et incisum et membrū,
 & in his cōtenta sententia uel ablata
 uel addita aliam orationis formā &
Exphant ueluti effigiē facit: opinione omnīū,
 3. inqt Cicero, maiorē animo cœpi do-
 lorē, at Bembus magnū sanē dolorē
 cœpit, sed tum hæc duo raro absq; ce-
 teris usurpant: sine qbus puerilis est
 3. imitatio. Mutationē ἀμοίωσις uoco,
Coniunctio cuius pars una est συζυγία, siue σύνθε-
sis σις, quæ consistit in diuersa uerborū
 & rerū collocatione, & perficitur uel
 prepositione uel postpositione et in-
 terpositione uerborū, membrorū, re-
 rū, cæterarūq; rerū quæ sunt neces-
 3. sariæ. Figuratio ῥυμιατισμός est Græ-
 corū qui est generū potissimū & nu-
 merorum,

NOBILITAS

merorum, & casuum: nam horum ^{Argid.}
 uarietas uoluptatem adfert, & obdu-
 cit uarietatem. sed ut in componen-
 do, ita etiam in obtegendero & mutan-
 do, facere oportet quod decet, & qd
 est conuenienter ornatum. Communi- <sup>Com-
muni-</sup>
 tatio κατάλαξις appellata, est uerbo- ^{latio.}
 rum & rerum uicaria operatio: quæ
 in uerbis συνωνυμία dicitur: in rebus
 diuersa argumentatio, hoc est, senten-
 tiæ & orationes eodem pertinentes,
 ut sunt in rebus effectis συναίτια, &
 in conclusionibus multorum argu-
 mentorum συλλογισμοί. Transforma- <sup>Trans-
forma-
tio.</sup>
 tionem nomino, quam Græci μετα-
σκευή, quæ omnem orationis com-
 plectitur exornationem: nam & uera-
 borum translationes atq; modi, &
 sententiarum ornamenta sæpe idem
 possunt, ideoq; licet mutare: neque
 quicquā est in quo magis gloriatur
 imitator, quā in rebus & uerbis,
 eorumq; complexionibus transferē-
 dis: in quibus non solum diuersitas,
 uerum

μεταβολή.
Compl. xio.
 uerum etiam uarietas expetitur: ideō
 que transfiguratio adiunctam habet
μεταβολήν, quæ satietatem tollit, & om-
 nis delectationis princeps esse so-
 let effectrix. Inter μεταβολήν autem et
~~μετασκέυω~~
μετασκέυω hoc est discriminis: quod
 hæc diuersum faciat opus. illa uariū,
 neq; quicquam est auribus magis
 gratum, quàm eadem res sæpe alijs
 uerbis notatæ, & ornatus ubiq; di-
 uersus & circumductionum uaries-
 tas, & numerus in earum clausulis ubi-
 que per interualla alius. Atque hæc
 sunt quæ artem atq; similitudinem
 occultant: quæ tametsi leuia uidean-
 tur, sunt tamē sola, quæ efficiūt quod
 eruditōrum hominū aures requi-
 runt. neq; uis eorum intelligitur nisi
 consuetudine & usu comperiatur.
Verum illud tenere semper oportet,
 nullam occultationem laudabilem
 esse, quæ non uel par aliquid, uel me-
 lius, substituat aut si deterius esse ui-
 deatur, tamen non fiat absq; consilio.
 & ras

& ratione. Vergilij illam circumscri- ^{Ab ex. p. 6. Virgij}
 ptionem, Arma uirumq; cano: quis
 nō uidet ad Homeri similitudinem
 esse factam. uerum id tamen est dis-
 criminis, quod Homerus Achil-
 lem nomine suo nominat, & eius
 iram, quide ea malī Græcis dederit,
 paucis petit à Musa commemorari.
 Vergilius Aeneam suum non no-
 minat, sed pluribus uerbis quod in-
 stituit, exequitur: ita ut si superiorē
 esse Vergilium nolimus concede-
 re; tamen fateri necesse sit, specio-
 sum esse exordium, & Homérico
 par, si id per Græcos liceat obtine-
 re. Sed tamen aliquando honestum
 est cedere: cum id postulat res pro-
 posita. nam ut in eodem exemplo
 maneam, quo antea sum usus: quis
 negat plenius esse, & numerosius:
 opinione omnium maiorem ani-
 mo cœpi dolorem: sed tamen mode-
 stum etiam alterum, & idoneum ad
 rem præsentem; magnum sanè do-
 lorem

lorem cœpit. Verum enim, ut ad rem redeam: semper aut melius aut simile, aut ratione humiliter ponendum est: et cogitandum illa tria tum demum recte fieri: cum non solum uestigia obtegunt, sed etiam adiungunt ornatum. Quicquid enim artificiosum est: hoc etiam elegans & concinnum esse debet, & illa quorum memini tria, maiorem quam imperiti credant vim atque ornatum conciliant, in minimis enim ferre est figuratio: at in illa Vergiliana comparatione nonne est suauissima?

*Tityre tu patula recubans sub tegmine fagi,
Sylvestrem tenui musam meditaris auena:
Nos patriæ fines, & dulcia linquimus arua:
Nos patriam fugimus, tu Tityre lentus in umbra
Formosam resonare doces Amaryllida sylvas.*

quid minutius, quam tu Tityre,
& nos fugimus, at ista numero-
rum mutatio quantum habet ue-
nusta.

NOBILITAS

nustatis? eoq; etiā Tityrus ut solent
bucolici eandem concinnitatem imi-
tatur, sed citra arrogantiam (ut apud
pastorem amicum) et inuidiosam æ-
mulationem:

*O Melibæe Deus nobis hæc otia fecit,
Namq; erit ille mihi semper Deus, illius aram
Sæpe tener nostris ab ouilibus imbuet agnus.*

Consimiliter numerum mutauit. no-
bis fecit, inquit, mihi semper erit : &
à nostris ouilibus imbuet. Vt igitur
cum absq; exemplo scribimus ele-
gans est hoc genus: sic cum proposi-
tum habemus quod sequamur, & es-
legans est, & occultans, quod capta-
tum à nobis, nolumus agnosci. Nō ^{4^{to} 4^o}
opus est omnia persequi quæ propo- ^{2^{is}}
suimus: partim enim ex me audiui-
stis, partim etiā per se intelliguntur,
et nō sunt huius temporis : sed tamē
etiam transformationis exemplum
ponam. Est elegans sententiarum
conuersio, quam Græci ἀντιμεταβο-
λῶ vocant, apud Theocritum.

αἶκα

Αἶκα τῖνος ἴλη κίραον τράγοι αἶγα τυ
λαψῆ,

Αἶκα δ' αἶγα λάβη τῖνος γέρας ἔσ, τε κα-
ταβρεῖ,

Ἀχιμαρός, χιμαρῶ δὲ καλὸν κρήν ἔσε κα-
μέλξης.

Pro hac conuersione Vergilius cir-
culo de quo diximus usus est: et pro
illis uerbis quæ à Theocrito repetun-
tur Vergilius alia repetit? & quis ne-
gare potest hæc fieri exemplo? at er-
go dicat aliquis non eodem est usus
ornatu, neq; iisdē uerbis: quia agno-
sci noluit uestigia ab imperitis: at
cur Nō equidem inuideo: cum etiā
Theocritus καὶ τοι τοι φρονέω: quia sci-
ri uoluit quem imitetur, ut uero imi-
tetur non uoluit animaduerti. Sed
negat fortasse aliquis esse imitatio-
nem: cum non sint eadem in utroq;
cui respondeo imitationem nō eius-
dem esse, sed esse similiū, & id quod
simile est diuersum esse debere: co-
gnatum tamen: atq; eam cognatio

NOBILITAS

nem ex ipso fine & orationis forma
 debere iudicari. ut in his uersibus <sup>Expt
cap 2
Exm
la.</sup>
 carminis bucolici finis est suauitas,
 eaq; de causa Thyrsis apud Theo-
 critum Aepoli pastoris carmen lau-
 dans ἀδὲ τὸ ψιθύρισμα inquit: et mox
 ἀδὲ δὲ καὶ τὸ συγίσδεσι: itaq; delecta-
 tionis & suauitatis gratia, ut Theo-
 critus illud suum ἀδὲ repetit & con-
 uersione de qua diximus utitur: sic
 & Vergilius, Nos patriæ fines, &
 nos patriam fugimus: & conuersio-
 nis loco quasi circulo & orbe senten-
 tiam est complexus. Notum princi-
 pium Homeri est μῆνιν ἄρ' ἔδεα: &
 planè Homericum est, graue, orna-
 tum, & proposito operi cōueniens.
 Sed neq; minores neq; pauciores ha-
 bet uirtutes Vergilianum, Arma ui-
 rumq; cano: Heroicum etiam omni-
 no, & in magna dissimilitudine, arti-
 ficiosa similitudo est: quæ est in gra-
 uitate atq; ornatur: qui absconditus est
 illis de quibus dictū est rationibus.
 Nam

Nam ut Homerus iram Achillis: sic Vergilius Aeneam pluribus uerbis, & proprijs notis indicat: ut in personis uarietas sit, & similitudo in tractatione: quæ ad finem debet accommodari qui est grauitatis. itaq; multa, eaq; magna, breuiter est complexus. Sed et illam Homeri literarum & uocum suauitatem, & poetarum uerborum sonum, quæ propria sunt Græcæ linguæ: Vergilius pulcherri-
ma figuratione compensat: arma uirumq; Italiam, Lauinaq; littora: terris iactatus & alto: utriq; numeri ter sunt connexi. & in illo uersu, Vi superum seuæ memorem Iunonis ob iram: & numeri coniuncti & mutata casuum consecutio: & in illo, genus unde Latinum, Albaniq; patres, atq; altæ mœnia Troiæ: quanta est distinctio generum, numerorum, uocum: postremo illud, Musa mihi causas memora: & collocatione differt ab Homerica inuocatione; & magni

NOBILITAS

tudine par principio Homeri: præ-
 ter illa insignia: non solum interro-
 gat: sed dolet etiam: & admiratur at-
 que acclamat. Quamobrem imita-
 tio similitudinis abscondita est, col-
 locando, mutando, addendo, uarian-
 do: nam & propositionem ab inuo-
 catione semouit: & personas atq; res
 cōmutauit: plura enumerauit quod
 est additionis: & uarietate uerborū,
 generum, casuum, numerorum, o-
 mnia sunt sonantia: idēq; ad grauita-
 tem aptè: ut nec elegantia grauitati
 obster: nec elegantia grauitas impe-
 diat. Ergo in rebus dissimilibus, de-
 bet similitudo celari: et id fieri ea quā
 ostendi uia. Postquam igitur delegi-
 mus quem imitari uelimus, & quid
 exprimere: prima consideratio gene-
 ris dicendi esse debet, ad eiusq; finē
 & formam: & res & uerba, eorumq;
 & collocatio & uarietas est referen-
 da. Sed magistro opus est, & absq;
 arte non deprehenditur furtiua imi-
 tantis

*Ab ex-
p. S. S. S.*
 tantis imago: & magnæ consuetudi-
 nis est exercitatio: & paucorum est
 hominum. Nobilis historicus Salu-
 stius est, & Quintiliani de breuitate
 eius testimonium est notū: sed quo-
 tusquisq; est qui intelligit quomodo
 ea sit comparata? Halicarnasseus in
Thucydide scribit pulchrū esse uer-
 borū contextum, sed non suauē: con-
 trā in Xenophonte suauem non pul-
 chrum: in Herodoto utrunq; cuius
 compositionem, ait esse, ἡδίστην καὶ
 ἀλὼ: acuti iudiciū atq; exercitati, tan-
 quam perspicacis oculi est, uidere in
 quibus uenustas sit, & in quibus de-
 lectatio: & quomodo pulchritudo à
 suauitate discrepet: non quod res nō
 sit inter se multum dissidētes uirtus
 atq; uoluptas: sed quia in oratione
 elegantia & suauitas non facile sepa-
 rantur, idcirco & ars necessaria est,
 & magistro est opus, & exercitatio
 requiritur: De Vergilij Georgicis li-
 bris dicitur quod sint perfecti: de-

NOBILITAS

Aeneide quod non eliminata: sed ego
 uelim mihi dari aliquem poeta-
 rum explicatorem, qui id ubicun-
 que opus est possit indicare & o-
 stendere: uerum de hoc aliàs. nunc
 ad illud quod propositum est de
 dicendi forma: cuius imago no-
 bis dum operamur & fabricamus,
 ante oculos ponenda est: & ad
 eam stilum tanquam manum, &
 uerba eorúmque ornatum tan-
 quam colores & umbras, & lumina
 conuenienter applicanda. Conue-
nientiam decorum appello, cum o-
 mni in re tum in imitando in primis
 necessarium: in quo duo præcipue
 sunt tenenda: aptitudo, & modus.
aptitudo est rerû & uerborum con-
 gruës natura: modus est in cõgruen-
 tibus, ut ne quid desit, & ne quid de-
 ficiat. ut in Homeri Iliadis princi-
 pio nihil d. est, in Vergilij Aeneidis
 exordio nihil abundat, tametsi sit
 Homericò circumductius. Aptitu-
do con-

do consideratur motibus, moribus, natura, in quibus naturam appello earum rerum quæ homines non attingunt: ut herbarum: arborum: gemmarum, hortorum, prædiorum, uillarum: quarum rerum explicationes atque descriptiones certum propriumque genus orationis attributum habent: mores & motus poetarum sunt & oratorum cum personarum & suos mores exprimunt: cum ad iram, ad odium: ad amorem, ad misericordiam animos uel audientium uel legentium impellunt: ex quibus tribus illa tria ab Aristotele libro tertio Rhetoricorum elocutionis genera: ἡ παθητικὴ λέξις καὶ ἡ ἡθικὴ καὶ ἡ ἀνάλογος τοῖς πράγμασι. Hæc uero cuiusmodi esse debeant & sint idem Aristoteles, optimus artis præceptor indicauit. In hoc etiam de decoro loco præcipitur, ut non solum formæ imaginem tanquam cutem tantummodo

effingamus: uerum ut sanguis & uenæ & nerui atq; musculorum lacerti extent & cōspiciantur: quamobrem elaborandum est ut & speciosa sit et prudēs oratio, et sana: in quibus species elegantiae est: prudentia, rerum, sanitas decori & naturæ: ut forma ipsa sit naturalis, & conueniens. Neque enim dubium est, quin exoriens ē mari Apellis Venus: nonnihil fuerit ē mari spumea: sed ita, ut ea spuma Deę formam redderet amabiliorem. Vt igitur Appelles nonnihil squaloris reliquit: ita etiam scriptori atq; imitatori faciendum est: ut consideret non quantum aliquid ornari possit, & quantum deceat: quod nisi fiat: necesse est & tumidam & inflatam & ineptam orationem existere. Itaq; recte consulunt qui dicunt Homericam esse imitandam Mineruam, quæ Vlyssē in uarias mutat sæpe formas, eumq; aliquando et rugosum & paruū & deformem facit.

πρωχῶ λευγαλέφ' ἐναλίγκιον, ἢ δὲ γίροντι.
 aliquando etiā admota eadem
 uirga.

μείζονα τ' εἰσι δίδειμι πᾶσιν ἀναθεμνίσθαι.

Et καὶ δὲ κάρητος

οὐλας ἤκε κόμας ὑακινθίνῳ ἄνθει ὁμοίας.

Id etiā in oratore faciendum est:
 ut non semper bombycina & precio-
 sa ueste: sed sæpe etiā trita et uulga-
 ri & quotidiana prodeat. Post deco-
ri animaduersionem: comportandę
 & collocandę res sunt: & uerborum
 adferenda copia: & sequi oportet
 quę diximus. ut nihil absq; causa ne-
 que fiat neq; ponatur: & id quomo-
 do fiat nō intelligatur à multis: nam
 ut optandum est ut oratio omni-
 bus placeat: & id maximopere ca-
 ptandum: ita etiā cauendum præ-
 cipue est, ut ars & imitatio & similis
 tudo non appareat. Atq; hæc hæc
 nus de stilo & de imitatione: in qui-
 bus non placuit omnia persequi: ut
 quomodo

NOBILITAS

quomodo ex Græcis latīna faciendā sint: & quibū rationibus poëtarum uersus ita oratione libera dissolui et explicari debeant, ut poëma nō fuisse uideatur: item quomodo commentatio instituenda sit & quomodo inchoanda & perficienda declamatio: quæ omnia tum demum recte suscipiuntur: cum horum de quibus dixi, magna præcessit exercitatio. Ergo de his aliās: nunc hæc sufficiant pro hoc tempore uestris studijs: præsertim cum me præsentem adhuc habeatis: Rursus igitur uelut ab initio ingredi iam oportet in hoc currículū: et accedendū ad multam lectionem & ad scriptionem multā. Lectio uero duplex est una exempli ad imitandum: altera doctrinæ: quarum altera moram requirit: ut quæ in exēplo latent eruantur: altera percursorionem et annotationē & memoriam multarū & uariarū rerum desiderat. itaq; ita perficienda est quem-
admo

admodum principio diximus. Et Ci
ceronem quidem hoc triennio totū
ad intelligendū legi posse horis an-
te meridianis nullum est dubium:
ad imitandum etiā plurima disci in
eodem posse etiam clarum est: quæ
supererūt dabimus annis in sequen-
tibus. Iam in cæteris autoribus, quis
neget plura posse comparari: ex ijs
quos nominaui: oratoribus, historis-
cis, philosophis, poetis. ut hoc trien-
nium & orationem ornatam dare
possit: & uariarum rerum pruden-
tiam. quorum utrunq; si conseque-
mini exemplo esse possitis, uestri or-
dinis hominibus. & sanè post milita-
rem uirtutem, quæ eius est scientiæ
& fortitudinis, quid magis uirum
nobilem decet, & congruentius est
generis uetustati: quam probati mo-
res, pectus eruditū, lingua sapiens,
omnis antiquitatis memoria, omnium
rerum publicarum cognitio. In Cars
dinalium numero nonne quasi lū-
mina

NOBILITAS

mina fuerūt, Contarenus, Bembus, Sadoletus: in Cæsaris aula quantū ornamentum Atrebatensis Episcopus: Gallias nonne Cardinalis Belalarius: nunc etiam Guilius: & Matisconenſis Episcopus illustrant? Iulius Pflug patronus & hospes meus nonne decus Saxoniae est? Iacobo Sturmio Christophoro Carolouicio an non plurimum ad nominis celebrationem profunt literæ. at omnes hi magni & nobiles: sed tamē hæc ipsa nobilitas quæ per se satis clara est, in his uiris literarum doctrina est reddita illustrior. Si Germania nostra, & si principum uirorum familiæ: huiusmodi curarentur hominibus: nulla esset metuenda rerū periculosa conuersio, nullæ barbarę consuetudines: nulla ecclesiarum & religionis deformitas: Quocirca hæc ego uobis scribens: uniuersam nobilitatem, ad hæc studia adhortor: quæ si quem hominum ordinem maxime

L I T E R A T A.

55

maxime decent: certe nobilitatem
in primis: quæ quo magis ceteris or
dinibus gloria præstat: eo pluribus
& maioribus uirtutibus
debet antecel
lere.

ARGENTORATI APVD VVEN

delinum Ribelium, ANNO.

M. D. XLIX.

THE
JOURNAL
OF
THE
REVEREND
FATHER
JOHN
BAPTIST
MURPHY
OF
THE
SACRAMENT
OF
THE
Eucharist
IN
THE
CITY
OF
NEW
YORK
IN
THE
YEAR
OF
OUR
LORD
1841

THE
JOURNAL
OF
THE
REVEREND
FATHER
JOHN
BAPTIST
MURPHY
OF
THE
SACRAMENT
OF
THE
Eucharist
IN
THE
CITY
OF
NEW
YORK
IN
THE
YEAR
OF
OUR
LORD
1841

THE
JOURNAL
OF
THE
REVEREND
FATHER
JOHN
BAPTIST
MURPHY
OF
THE
SACRAMENT
OF
THE
Eucharist
IN
THE
CITY
OF
NEW
YORK
IN
THE
YEAR
OF
OUR
LORD
1841



